


寄園寄所寄 六下



			九	漢
			八	書
			九	門
一	九	三	九	
九	一	三	九	
架	函	號	類	

				內
			九	閣
			七	文
			八	庫
			九	
三	一	一	九	
架	冊	號	類	

內閣文庫	
番號	漢 9789
冊數	16 ( 8 )
函號	308 125



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



焚塵寄

科名




士患不聖賢豪傑耳必科名哉雖然重利名則科名中未必絕聖賢豪傑也姑畧其遠請以所聞於近者筆焉後起者可以興

隋始設進士科。唐太宗御崇政殿試進士。呼之面試。及第始唱名。明皇末始試詩賦。并雜文。貼經為三場。宋太

祖賜屢試不第舉人出身。始放進士榜。太宗始分進士為三甲。進士分甲次自賜新及第進士。黻袍靴笏。仍賜

宴瓊林院。太宗始置武學。始詔進士預殿試者不黜落

哲宗詔進士專習經義。從此廢詞賦。古今原始



焚塵寄科名

文獻通考。唐時所放進士。每歲不過二三十人。士之及第者。未便解褐入仕。尚有試吏部一關。韓文公三試吏部無成。則十年猶布衣。且有出身二十年。不獲祿者。自宋太宗太平興國二年。初卽位。思振淹滯。賜進士諸科出身者五百餘人。皆先賜綠袍靴笏。賜宴開寶寺。第一第二等進士。及九經。授將作監丞大理評事通判諸州。其餘皆優等注擬。寵章殊異。薛居正等言取人太多。用人太驟。不聽。此太宗初一天下。欲以得士之盛。跨越前代。樂觀史冊。不知僥倖之心。欲速之習。中於士人者。且數百年而不可返矣。又考通典舉人條例。四經出身。授緊縣尉判。入第三等。授望縣尉。五經出身。授望縣尉判。

入第三等。授畿縣尉。進士與四經同資。是唐時明經進士。初除不過縣尉。至勝朝。則一入詞林。更不外補。一甲之除。猶爲部屬。崇浮長惰。職此之繇。其於唐人舉士之初制。失之遠矣。自知錄

洪武間。詔開科取士。定科舉格。初場各經義四書一道。三場策一道。中式者。後十日以騎射書筭律試之。立三場試格。始此。後有增損。古今原始。

洪武三年庚戌。始開科。就試者。鄉舉士百二十三人。中式者七十二人。四年。京畿復鄉試。尋又合諸省之士。會試。凡二百人。中式百二十人。其三年所舉鄉試士。未及會試。悉授官。六年。停罷科舉。十七年。復頒行科舉。第一

場試四書義三道。每道二百字以上。經義四道。每道二百字以上。未能者試各減一道。四書義主朱子集註。經義詩主朱子集傳。易主程朱傳。書主蔡氏傳。及古詩。疏其易之廢程而專用朱。春秋之廢張而專用胡。不知起於何時。然程氏易傳。人多有閱之者。至張洽春秋傳。今全本無有行世者。而習春秋者。且不知其名矣。葉書明初三科有四書疑問。倣元制也。洪武甲子。易以四書名曰制義藝。本朝照行。康熙癸卯甲辰丙午丁未兩鄉會試。革去頭場。止用論策取士。論題仍用四書。已酉復八股制藝。至今遵行。應菴隨錄近代取士法。首重科目。然宋朝試錄存二本。以其有朱

文公。文文山名在也。科目重人乎。人重科目乎。晉州志試官不刊實錄。而自作文。則誤閱文。出簾宴。出題宴。五日一大宴。三日一小宴。甚誤閱文。蓋場中閱文之日甚促也。初九。舉子入場。十一日始膳。進第一場文。十二日。第二場出題。又促矣。十五。第二場文始膳。進二十外三場文。始膳完。會取卷宴。又促矣。二十九放榜。蓋草榜已定於二十五六。在院閱文之日。不過半月。而飲宴之誤。又間之。是以真才多遺。必減飲宴。寬以月日。乃可。宋志

編

科第至三元。世必豔稱之矣。不知昔人有中四元者。唐崔元翰。晚年取應。並首捷京兆。解頭禮狀頭。宏誦救頭。

制科三等救頭。說儲

北京解元。其初不盡北直隸人。如景泰丙子徐泰。正德丙子周光宙。嘉靖戊子馬一龍。辛卯馬從謙。癸卯沈紹慶。隆慶丁卯莊允中。俱南直隸人。正統辛酉章以占。甲子司馬恂。天順壬午鄭宏。弘治戊午孫青。辛酉謝丕。嘉靖壬午周禪。己酉孫鋌。俱浙江人。成化丙午羅北。江西人。宣德壬子宋雍。隆慶庚午李廷機。萬曆癸酉柯挺。俱福建人。嘉靖丁酉鄭光溥。山東人。宣德乙卯鄒冕。河南人。嘉靖乙卯楊濂。四川人。自萬曆壬子宋鳳翔。以浙人領解。此後必北直隸人居首矣。南京解元。其初亦不盡南直隸人。如正德庚午許繼先。嘉靖戊子許仁卿。俱浙

江人。洪武甲子廖孟瞻。丙子尹昌隆。永樂辛卯徐則寧。嘉靖壬子孫溥。俱江西人。洪武庚午黃文史。永樂戊子黃壽生。俱福建人。夫科場取士。期於得人。莫非王匡。議者必欲區別之。名從公而實私也。兩京求售錄

明鄉試直隸取百名。加國學三十名。又禱行五名。故曹鼐以典史解糧赴京。中北直隸鄉試。而廷試為狀元。今無禱行應試者矣。耳談

曹鼐為典史。日夕讀書不輟。邑令戲之曰。將欲中狀元乎。鼐曰。誠如尊諭。明朝狀元譜

明狀元入閣辦事者十二人。胡廣。曹鼐。馬愉。陳循。商輅。彭時。謝遷。費宏。顧鼎臣。李春芳。申時行。周延儒。國朝

傳以漸。呂宮。徐元文。

玉堂叢話

明解元登狀元者十一人。黃觀。吳伯宗。林環。蕭時中。陳循。商輅。柯潛。彭教。謝遷。李旻。楊維聰。國朝解元登狀元者胡任輿。今上

明會元登狀元者八人。黃觀。商輅。吳寬。錢福。倫文叙。楊守勤。韓敬。周延儒。國朝會元登狀元者。韓茨。彭定求。陸肯堂。今上

康熙己酉。余分校晉闈。所得士馮雲驊等。而陸肯堂。胡任輿。俱出雲驊辛西南榜。

明狀元以直諫而被謫者三人。羅倫。張昇。舒芬也。羅倫論李賢奪情起復。張昇論劉吉。舒芬諫武宗南巡。此三

人者。真可謂不負大科矣。三人皆江西人。客中別集

前朝少年解元。廣西蔣冕十五歲。南直隸余蔎中。廣東馬拯俱十七歲。皇朝盛事

十二歲。楊文忠廷和舉鄉試。大理卿朱奎。太常卿任道遜。舉奇童侍東宮書。十四歲。趙中丞時春。中經魁。楊文襄一清。中鄉試。十五歲。蔣文定冕。中解元。十六歲。王庶子臣。登進士。何提學景明。張少師居正。中鄉魁。十七歲。李少師東陽。舉會試。太常王學士獻。張宮傅燦。王守郡廷幹。舉進士。馬工部拯。奈太僕毅中。俱舉解元。沐都督昂。以戰功僉都督。十八歲。趙中丞時春。中會元。陳修撰景著。中探花。王兵侍偉。楊文襄一清。王侍

講洪。王叅政慎中。俱第進士。奇童洪鍾。舉進士。是年卒。  
解學士縉。中解元。殷少保士儋。中鄉魁。十九歲。李詹  
事泰。白中丞圻。楊文忠廷和。何少宰孟春。陳中丞燿。蔡  
尚書克廉。俱舉進士。二十歲。費少師宏舉狀元。鄒司  
成守益。倫司成以訓。俱中會元。與戴編修大賓。俱及第。  
解學士縉。向右都寶。張學士益。王中丞雲鳳。胡司馬汝  
礪。李司馬昆。盛右都應期。李司徒如圭。何提學景明。王  
太宰用賓。方少保逢時。俱登第。二十八歲。沐定遠。屢  
封黔國公。全上  
胡忠安公濬。爲禮部尚書。自宣德丁未。至景泰甲戌。凡  
十爲會試。知貢舉官。全上

一府七會元。常熟施顯。太倉吳鈺。即陸長洲趙寬。吳縣  
王鏊。吳江趙寬。常熟瞿景淳。太倉王錫爵。全上  
中進士。而祖孫父子。見者絕少。惟福建侯官縣林春  
澤。正德甲戌進士。爲建昌太守。子應諒。嘉靖壬辰進士。  
爲戶部侍郎。孫如楚。嘉靖乙丑進士。爲廣東提學副使。  
浙江烏程縣董份。嘉靖辛丑進士。爲禮部尚書。子道醇。  
萬曆癸未進士。爲給事中。孫嗣成。萬曆庚辰進士。爲禮  
部郎中。祖孫父子。俱在一堂。而林氏尤享上壽。建昌一  
百四歲。侍郎八十歲。學憲自廣東告歸侍養。全上  
明三元者二人。其一商公輅。其一黃公觀。正氣紀云。黃  
觀。黃池人。字伯瀾。一字尚賓。洪武甲子。應貢入太學。發

解南畿。辛未會試第一。廷對禦戎策。太祖嘉之。擢狀元。除翰林修撰。後殉建文難。池州學宮中三元扁尚存。鷄

寄刺言

三疎菴冢宰。有識鑒。一日在高平劉尹一相座。劉出其子鴻訓。及同窗二孫。一張并館師王。五人課藝。請政。疎菴覽之。驚曰。皆卿輔才也。安得萃處一室。館師文雖工。福遠不及諸子。後孫公居相。壬辰進士。官戶部尚書。孫公鼎相。戊戌進士。官副都御史。張卽金銘。庚戌進士。官總憲尚書。鴻訓癸丑進士。官東閣大學士。其館師王家礎。亦壬辰進士。選涇陽知縣。未任卒於途。疎菴之言竟不爽。蘇談

明初歲貢生。在京中式者。必令出榜原籍張掛。嘗見新昌志載云。禮部爲科舉事。洪武十七年九月十三日。本部尚書任昂等官。於華蓋殿奏。聖旨。在京鄉試多有中式。的國子監生。爲他肯學。所以取中。似這等生員。好生充顯他父母。恁部裏出榜於原籍去處張掛。着他鄉里知道。欽此。今將中式生員開坐。合行出榜知會。須至榜者。浙江布政司紹興府新昌縣第十名蔡用強。說邪

謝文正選。以解元會魁。中狀元。而子不復以解元會魁及第。倫諭德文叙。以會元中狀元。而長子通叅以諒復領省解。次子祭酒以訓。會元及第。此其最盛者也。黃行人乾亨。子御史如金。史僉事後。子尚書道。毛文簡紀。子



太僕渠。張侍郎志淳子副使合。俱父子解元。曾狀元鶴齡。孫追。費狀元宏。從子懋中。羅文莊欽順。從子瑛。俱進士及第。孫文恪陞。及第。而子挺鄉薦第一。鑛會試第一。兄堪武會試第一。至都督。劉尚書龍。祖副使潔。父刑部屬儀。俱鄉試第四人。龍及子郎中承恩。俱第二人。葛少保守禮。與其孫曦。俱山東解元。若兄弟高第。如永樂甲申。周庶子述。長史孟簡。同科及第。正統景泰中。彭文憲時中。狀元。文忠。華中。會元。然足從兄弟耳。楊文憲守陳。尚書守陞。劉文簡春。參政台。王文莊鴻儒。布政鴻漸。俱解元。而守陞春復及第。其三兄俱謚文。楊光祿惟聰。已卯解元。辛巳狀元。而兄庶子惟猷。丙戌及第。王太史錫

爵會元。及第。而弟鼎爵復會試第五人。

皇朝盛事

洪武間。選秀才張宗濬等。隨詹事府左春坊官。分班入直文華殿。侍講畢。近前說民間利害。田里稼穡等事。問陳古今孝節忠信文學才藝諸故事。日以為常。宣德七年。以故鴻臚寺為翰林院落成。諸殿大學士皆至。君禮不設。西楊南楊座。或問之。應曰。此非三公府也。二楊以聞。上命工部設座。禮部叙次位。二楊始自內閣出。坐諸學士上。玉堂叢語

花綸初授修撰。年十八。詔許歸娶。練子寧送以詩云。三月都門鶯亂啼。郎君春色上春衣。潘生况擬供調膳。張敞仍須學畫眉。南陌酒香銀甕熟。西湖月朗畫船歸。極

知身負君恩重。莫遣心隨粉黛移。堯山堂外紀

建文庚辰狀元胡靖。第二名王良。吉水人。第三名李貫。廬陵人。俱吉安府。而二甲第一名吳溥。第三名朱塔。皆江西。溥又會元也。永樂甲申狀元曾榮。永豐人。第二名周述。第三名周孟簡。俱吉水人。二甲第一名。楊相。第四名王直。俱泰和人。第二名宋子環。吉水人。第三名王訓。廬陵人。相又會元也。七人皆吉安府。內閣學士讀卷七人。而五人者。解縉。胡廣。楊士奇。胡儼。金幼孜。皆江西。其三人皆吉安府。皇朝盛事

永樂甲申科。廬陵周孟簡與弟述同登第。述在孟簡之前。太宗曰。弟不可以先兄。乃置述於後。此卽二宋故事

也。王堂叢語

狀元任亨泰。襄陽人。永樂寵遇特隆。命有司建狀元坊以旌之。聖旨建坊自此始。全十

曾榮字子榮。五歲盡識象戲事。稱江西才子。永樂中甲申狀元。其生洪武乙巳九月十日亥時。其孫追亦生洪熙乙巳九月七日亥時。年月日時皆同。因名追。成化戊戌。追亦探花及第。堯山堂外紀

永樂初。曾榮赴會試。同鄉有劉子欽者。由省元至會元。將殿試。解縉在翰林會問。稱之曰。狀元屬子矣。子欽自負。畧不少遜避。縉少之。密以題意示榮。明日廷對。榮策最詳。殆及萬言。遂擢第一。殿試罷。作詩。有曰。曉開三殿

降絲綸。袞冕臨軒策小臣。紅燭影催金闕曙。紫霞香泛玉壺春。雲霄九萬扶搖近。禮樂三千制作新。淺薄未能宣聖德。願歌棫樸播皇仁。全上

王翰林洪。以總角登第。永樂喜甚。命禮部與行三加禮畢。赴瓊林宴。入官翰林。與王直王英齊名。稱三王。王堂叢語

皇朝盛事云。永樂甲申狀元曾棨。永豐人。會元楊相泰和人。俱吉安府。嘉靖壬戌狀元徐時行。吳縣人。會元王錫爵。太倉人。俱蘇州府。本朝康熙丁卯。江南解元張兆鵬。吾邑芳干人也。父仍休寧庠。庚午浙江解元吳筠。歙溪南人。辛未狀元戴有祺。吾邑瑛溪人。會元張瑗。祁

門人。亦一科同郡兩元矣。

萬身閣偶談

永樂中各省鄉試。多有儒士主考。而品官同考者。景泰二年會試。莆田林文侑撰也。而為主考。吉水劉儼侍講也。而為同考。當日重在衡文。故不序爵。棟閣記

永樂十六年戊戌會試。金谿王英為總裁。至八年庚子二十一年癸卯。復主順天鄉試。永樂十九年辛丑會試。吉水周述為總裁。至宣德七年壬子。復主順天鄉試。宣德五年庚戌會試。吉水錢習禮總裁。至七年壬子。正統六年辛酉。復主順天鄉試。皆先主會試。而復主鄉試。後此則未聞矣。全上

章孟端。宣德間為御史時。多所彈劾。正統初。權貴忌之。

罷歸京師士大夫。以宋人贈唐子方。去國一身輕似葉。高名千古重如山之句。分韻作詩送之。送者皆被遠謫。不數年。孟端諸子連中進士。爲京官。同處一邸。書春題於壁曰。四壁金華春宴罷。滿床牙笏早朝歸。人多羨之。堯山堂外紀

正統十三年。賜彭時陳鑑岳正等進士及第。出身有差。時於謝恩之夕。坐以待旦。隱几不寤。竟失朝。糾儀御史奏令錦衣衛尋。上是之。是科一甲三人。時稱爲儒釋道。狀元彭時儒籍。榜眼陳鑑神樂觀道士。四十尚未娶。採花岳正。早喪父。嫡母不容。避居興隆寺從僧。故云。其齒

最少者。河南李泰父永昌。見爲太監。通紀補遺

正德丙辰第一甲第一名施槃。吳縣人。第二甲第一名張和。崑山人。第三甲第一名莫震。吳江人。皆蘇州府。朝盛事

劉學士儼。景泰中典北畿秋試。取江陰徐泰爲解元。泰本富族。有欲更爲親厚薦者。泰儼與泰有私。儼欲扣閣。夕請禮部請覆試。上從之。召五經魁士親試禁中。彌封以示閣老。其某取次折封。一與原榜無異。仍賜泰爲解元。時曰爲欽賜舉人。西華野記

景泰丙子鄉舉。吳啓文舉。以春秋學生發解。應天。徐泰士亭。以書經監生發解。順天。皆邑人同學。公餘日錄

彭華。安福人。景泰五年會元。是科狀元孫賢。河南人。榜眼徐溥。宜興人。探花徐鏞。武進人。賢面黑。溥面白。鏞面黃。時爲鐵狀元。銀榜眼。金探花。狀元譜

天順癸未。貢院火。甲申又火。舉人死者九十餘人。好事者爲詩云。回祿如何也。忌才。春風散作禮闈災。碧桃難向天邊種。丹桂翻從火裏開。豪氣滿場爭吐燄。壯心一夜盡成灰。曲江勝事今何在。白骨稜稜漫作堆。鶴汀新語

天順壬午科。浙江東陽盧楷。初爲仇家所忌。陷入囹圄。至八月六日晚。甫得脫繫。計試事已無及矣。是夜大雨如注。水漲溢隄。次早撥船。又明日即抵武林。遂得應試。

因書一絕於朝于門上云。昨從和步撥船開。午過蘭江晚釣臺。今日浙江樓上望。半千里路似飛來。及放榜。乃冠多士。彙書初編

朱希周。弘治丙辰狀元。年八十四。見嘉靖丙辰狀元諸大綬而歿。玉堂叢書

又無錫某科進士。花甲一週。與某科新進士會同年。令其子輩俱拜爲年伯。余於甲子年會辛卯同年在仕籍者於寄園。胡父弓。李九畹。鄒山公。王龍洲。岳鎮九。王涓來。成愚崑。王阮亭。張蓮峯。田子眉。鄭方旦。蔣飛占。任介石。梁翼宸。郝颺嘉。胡二齋。吳曉岳。李遜。五沈維菴。杜讓水。張羽京。王爾成。陸會菴。陸節菴。主人

沈繹堂姚陞山李奉倩尹瀾柱及子共二十九位。今甲戌年止鄭山公王涓來王阮亭三位尚列朝端。

嚴州小郡也。成化初商文毅輅以太子太保吏部尚書翰林院學士居內閣。姚莊敏公夔以太子少保為吏部尚書。又商公以乙卯解元為乙丑會狀。姚公以辛酉解元為壬戌會元。二甲傳臚。商公自脩撰超入內閣。姚自給事中超拜侍郎。皇朝盛事

吳文定公寬少就塾。偶借稚友二三詣一土地祠嬉戲。書神座云。土地無道。貶三千里。既歸其師夢有土地乞告曰。令徒見譴。天曹筆也。無所施計。冀師為我釋之。詰旦師訪諸徒得之。乃命文定為洗滌之。文定復如祠書

免貶二字去。成化壬辰文定廷試首冠。位至少宰掌銓事。野記

錢唐李子陽旻少有文名。成化庚子秋試。八月二日。與同輩入學晨叅。忽五色一鳥飛入明倫堂。盤旋不去。諸生喧縱聚觀。竟棲止於梁間二日。眾以為此文明之兆。子陽為詩慶之曰。文采翩翩世所稀。講堂飛止正相宜。定因覽德來千仞。不但希恩借一枝。羨爾能知鴻鵠志。催人同上鳳凰池。解元魁選皆常事。更向天衢作羽儀。是歲子陽果以易經發解。甲辰廷試第一。堯山堂外記羅倫字彝正。號一峯。既中會試。於禮部頒卷時。自言火於塲屋。有志廷對。願增紙以畢所欲陳。禮部官壯其志。

許之。謄真遂有三十幅。時李文達進讀羅卷。跪久。李年漸高。至不能起。上命兩內臣掖之。是年羅遂大魁。至次科會試。亦有欲比羅例者。禮部官以為有意希望。不從。故至今惟以十三幅為式。全上

唐臯。字守之。徽州歙縣人。嘗夢與鄭佐同榜。時臯年已三十餘。而佐方生。後佐年十九。與臯兩榜皆同捷。全上唐臯在歙庠日。每以魁元自擬。雖累蹶場屋。而志不怠。鄉人謂之曰。徽州好箇唐臯哥。一氣秋闈走十科。經魁解元荷包裏。爭奈京城剪絡多。唐聞之。志益勵。因題書室壁曰。愈讀愈不中。唐臯其如命何。愈不中。愈讀。命其如臯何。又嘗見人所持便面。畫一漁翁網魚。題曰。一

網復一網。終有一網得。笑殺無網人。臨淵公嘆息。怕止

德癸酉甲戌。果連捷經魁狀元及第。全上

倫文叙。廣東南海縣人。由儒士中會元狀元。子以諒。由

儒士中正德丙子解元。以訓。由儒士中正德丁丑會元

榜眼。父子三人。各占一元。且父子會元。又兩中鼎甲。皆

由儒士。夫豈偶然。倫元小錄

弘治時。南京龍霓。精於文義。中壬子書魁。乙卯代金都

御史澤子達入試浙場。中第八。又與同中甲科。人有詩

嘲之曰。阿翁一自轉都堂。百計千方幹入場。金澤財多

子孫劣。龍霓家窘手兒長。有錢使得鬼推磨。無學却將

人頂缸。寄與兩京言路者。好排闥闢說彈章。其詩盛傳

於時。後二人皆不容於清議。一止浙僉。一止太僕丞。今科場要令批首立貢院門內。辨同試者面貌。方入。蓋由此始。堯山堂外紀

永嘉江陵兩相公。最得君。最强悍。其可恨處不少。却有一最得意處。永嘉典嘉靖乙丑試。會元唐荆川順之。狀元羅念菴洪先。江陵典隆慶辛未試。會元鄧定宇以讚。狀元張陽和元汴。四人何處得來。且同道同心。事座主不阿附。亦不抗忤。最爲得體。湧幢小品

海鹽倪政。字拱德。以鄉舉訓興化學。終松溪論。初興化生王譽者。政才之。故規砥不少借。秋試。譽禱夢九鯉神曰。當問倪先生。舉以先生必無好言。勉往一請。政怒。應

曰。去中解元來。譽喜甚。疾趨出。果發解歸。海鹽縣志

科場夢兆。應否萬有不齊。偶采一二。則以該其餘。

畢瑜爲山東提學。日有張驛承者。鄉試中式。瑜贈之詩。

曰。一官耻不與清流。忙裏遺編自校讐。根棘豈能留彩

鳳。驅車未必困駢駟。東藩領薦名初顯。西蜀題橋志已

酬。脫却樊籠入佳境。春雷萬里步瀛洲。堯山堂外記

萬曆十三年。詔起侍郎王錫爵。爲文淵閣大學士。時首

相申時行。吳縣人。次相許國。歙縣人。三相同出南省。二

相同一府。時行壬戌狀元。錫爵同科。會元。國辛酉解元。

三相各占一元。華州王庭詩。兄弟三人。庭詩年十七。中

鄉舉。次弟庭謨。年十六。繼中。幼弟庭論。年十五。亦中。三



人皆早發。各占一歲。無同者。其後又各舉進士。說邪

許相國金陵鄉試。與王申二公。偶同坐。有相士過。指之

曰。元元。元首許終申。果不爽。許貧時。歲除。袖修金歸。憫

投水婦。贈之。方患無以卒歲。徘徊河西橋。休寧程爵遇

之。高其義。厚贈。且結姻焉。次年許即發解。續虹筆記

袁了凡。初名表。萬曆丁丑下第。夢袁黃作會元。因改名

黃。比下科發第。則會元袁宗道。黃汝良次焉。了凡少時

遇異人。知數前定。不復營求。而改名以希遇於不可遇

處之夢。其於前定。尚在疑似間。蘇謙

順治己亥秋八月。再行會試。予與同年朱若臣。上綬

同公中。若臣夢看榜。榜首進朱。單名是金字。偏傍左

邊不甚了了。予笑曰。年兄未必便中會元。得無為他

人作夢耶。若臣具呈禮部。改名鎔。榜發會元朱錦。

萬曆丁丑。張太岳子嗣修。榜眼及第。庚辰。懋脩復登鼎

元。有無名子。揭口占於朝門曰。狀元榜眼姓俱張。未必

文星照楚邦。若是相公堅不去。六郎還作探花郎。後俱

削籍。故當時語曰。丁丑無眼。庚辰無頭。掄元小錄

天啓間。某進士才大而數奇。以齒過知命。就童子試。其

邑令某。少年高第也。見其老。意甚輕之。入衙。為太夫人

具述。且哂。母曰。其文何如。對以未閱。母不覺潸然淚下。

令請故。母曰。汝父攻苦一生。而不得附名於庠。賁志沒

故觸而悲耳。令隨取其卷閱之。大為嘆賞。取冠多士。送

府太守亦訝其年。令乃具陳所以。賞拔之。故太守亦取以冠軍。遂入泮。未幾舉於鄉。明年成進士。授京秩。後邑令以覲至京。病故。喪事皆出其經理。座右編

熊公廷弼已中武解元。因事爲當道呵責。大以爲辱。折節爲帖括。遊庠。及赴省試。未獲錄科。路號於督學。請收遺才。督學爲無錫鄒公。以錄遺已過。不允。熊力大。持其典。與夫俱倒。督學怒。立責三十板。出題命作文。意欲黜之。熊立就。不加點。文又大佳。督學喜。送入闈。遂發解。後熊督南畿學。見鄒。鄒踴躍若悔。公曰。雷霆雨露皆賦教誨。歡然無復遺憾。蔡沚集

蔡公懋德視學江西。是時崇禎以登極恩。每學拔一人。

貢京師。公矢諸神。謝私謁。榜發。揭公重熙第一。陳公際泰次之。際泰爲諸生時。其文播於朝鮮。與重熙皆舉進士。而重熙卒慷慨殉國難焉。先是蔡公素耳大士名。欲首拔之。日未午。有以全作五經文呈者。以爲大士也。閱之。乃揭耳。少頃。大士果以卷來。公曰。二卷俱佳。但揭卷尚書一藝。稍弱。意欲爲首陳地也。揭應聲。印於案頭。復補二藝。公遂首揭。豹莊集

侯執蒲。大梁人。年二十一。同兄執躬。舉戊子孝廉。提學使者長垣李化龍謂曰。吾授生時。獨未飲鬼漿。能前知二子皆列卿。然長者聯第。次者當後十年。執蒲果以戊戌登進士科。李騰芳者。執蒲座上也。執蒲旣第。數以文

進騰芳。輒揮不錄。最後私問其小豎。豎言獨見官進士。應震文。則大喜耳。執蒲乃求應震爲文。三騰芳三稱善。旣而嘆曰。官生雖善文詞。吾陰相之。其人後必敗。侯生器識。當建大節。何其文之類官生也。吾不復相天下士矣。壯悔堂集

正德崩。大學士毛澄迎肅皇帝。駕至藁城。過橋。偶雨。橋崩。有碑出焉。碑文曰。橋崩。天子過。碑出。狀元來。毛乃弘治癸丑狀元也。堯山堂外紀

中州士人周冕。屢舉不第。一夕有神見夢曰。汝須待魏尚倫同中。周覺而求諸校中。竟不得其人。後十餘年。乃有一尚倫入學。問其舉業。懵然。其年周君不錄科。舉魏

同告考。周代魏作。兩人俱入試。三場同號。成亦然。周中本房第一。魏亦登科。周至廩仕。魏至縣令云。川菴外集明朝制藝。確有分兩。作文者閱文者皆可操券而取。一人出闈得意甚。自以爲會元矣。偶夜散步。聞有悞墮泥中者。大呼曰。誰來救會元。其人急往挽之。起。抵其寓。閱文。果高一籌。曰。真恨事。我第二矣。已而榜發。果然。董宗伯思白。將赴南宮。往辭其尊公。公歎曰。見入場須加意。我向決汝爲元。今不穩矣。以吾前閱陶孝廉文。出汝上也。宗伯謹受教。畜馬乘題。聚歛句。已重頓矣。憶其尊公言。欲駕陶上。復改之。已而場中定元。以董平發。不及陶。遂置第二。馮公夢祖會試年。有貴介子弟。預購闈題。聞

某公與某公議。但曰。斗筲字。要之何用。貴介子遂知爲行。已有耻三節矣。馮知之。邀一弊友入西山。靜養半月。得一破曰。聖人與賢者論士。而其所重者可知矣。得意甚。曰。我會元矣。已而出關。徧訊同袍文。但聞其破曰。不及我也。榜發。果魁多士。湯宣城賓尹。讀書山寺。上科某會元來訪。傳衣鉢者。偶過其地。見湯徘徊於寺廊下。忽疾走狂笑。大擊寺鐘無數。某公問之。則曰。我作一元文。樂甚也。索觀之。曰。是矣。但仍未盡善。因指其隙。湯大服請教。遂授以元脉焉。嘯如筆記

正德間。揚州江都縣有啞人鄭姓者。一夕至南門。忽見空中紅光炳耀。仰視則天開眼也。隨拜隨喚。不覺聲出

於口。自是不啞。揚州曹進士守真云。啞巴乃其父之相識。因天開眼一拜。而遂有音聲。萬青閣偶談

國朝徐相國元文。赴試金陵。一船家啞子。忽迎曰。狀元來矣。後魁天下。造一船與之。俸溫飽終身。

正統元年。兩京設提學御史。各省設僉事。彭勗永豐人。往南直隸。松江府應試。取十五人。華亭七人。或以爲少。請益之。不許。曰。吾所取皆決科。若是足矣。及秋榜出。錢溥第一。徐觀第三。張恭第五。所遺者華亭二人耳。其精鑿如此。此後南畿督學。最著者母若衡。水滂宜。與我浙江山之趙鐙。楊拔。瞿昆湖。趙拔。申許王。三相國。鐙以僉都卒於家。三相方在朝。分作墓誌傳表。亦盛事也。揚至

答問客所答卷之二  
總督侍郎，通幢小品

馬狀元鐸。母馬氏妾也。嫡妬不容。再嫁同邑李氏。復生一子名馬。亦中狀元。御筆於馬旁加其字。名騏。越三日臚傳。凡三唱。無應者。曰。卽李馬也。騏乃受詔。每報刺騏字。黑書馬。朱書騏。笑史

董尚書潯陽公。三世四進士。庚辰科。公之長孫青芝。先父釋褐。報至。公携杖往視子舍。時隆山夫人。以夫不獲第。方按几大慟。公慰之曰。汝子幸已貴。何哭爲。吾子不第。是吾痛耳。不覺涕泗交下。次科隆山亦第。全上李十鱗子駒。敏慧能文。有聲歷下。王元美屬司理。魏允平。因秋闈之便。拔之。曰。雖私亦公也。魏在場中。檢之數

日。不可得。旣放榜。見駒卷委於欄下塵土中。七作皆佳。駒未幾病歿。無子。子鱗之白雪樓。竟屬他人。賦談

浮碧山之神。惟東嶽最靈。凡以夢祈者。應如響。邑中有父子同應鄉試者。禱於嶽。以夢示曰。汝往問秦棗三孺人可矣。二人未解。所謂偶下山。見一丐婦浣於河。問之曰。秦棗三孺人者爲誰。其婦張目咤曰。汝奚問爲。蓋此婦與邑少年秦棗三狎。故有是號。忽聞其語而心怪之。二人猶未悟。對曰。吾欲問我父子誰中。其婦罵曰。入你娘的倒會中。其年父果中。笑史

胡任輿爲諸生時。夢人贈二香圓。云。手持雙圓小天。下。辛酉江南發解。五上公車。甲戌以孔子登東山題

捷會榜第七。謁于寄園。述舊夢。子曰。君今其得狀頭乎。任輿謙讓未遑。臚唱竟驗。

乙卯年南場中有魚見於圃。魚水族也。水至潔也。而汙穢至此。又見於場中。此文明失位之象。次年丙辰會試。沈同和以代筆中第一名。代筆者趙鳴陽中第六名。俱吳江人。事發按問竝罪除名。吳爲水國。遂應其占。亦一厄運也。蘇州人爲之語曰。丙辰會錄。斷么絕六。蓋名次適應其數云。趙最有才情。特以館穀落其度中。代筆者往往有人。皆無他異。所謂有幸有不幸也。似宜末減。商

江西吉安府。自開科至嘉靖三十八年己未六十科。

武者七百八十八人。狀元十一人。榜眼十一人。探花十人。會元八人。解元三十九人。官至內閣者九人。一品者六人。尚書二十二。人。得謚者二十五人。耳談壬戌前一歲。武昌屠者。夢天榜。狀元徐時行也。隔江卽吾里。一生同此名姓。屠物色待之。勞以羊酒。月貽供養。曰相公必是狀元。異時無相忘。生才下中。大悅。遂猛進學。適當榜發。乃姑蘓申相國時行。始猶徐姓。而生以病進學。嘔血卒。先伯氏爲相國同榜進士。嘗向相國言。爲絕倒。全上

姑蘓有儒童許潤嘴。垂老。尚未採芹。偶伴某公子計偕入都。公子昵一伎甚狎。無心入場屋。戲謂許曰。代我會

試何如。許懼獲譴。曰。無傷也。自監臨及內外簾。皆親故。聞唱我名。必代庇護耳。既入。乃坐天宇二號。謹垂簾。不敢出頭。恐人覺其替身也。天宇三號。亦蘓州孝廉。于入場。先一夕。夢人告曰。汝若坐天宇二號。必中。既微差。甚悵悵。試識認坐二號者何人。驗其應否。既揭簾。認其為許潤嘴。大駭。許急以實告。且善言求之。隔號生曰。若欲不張揚。請換二號與我坐。不得已從之。已而至晚。竟不能成一字。又來問許。許七藝已草完矣。隔號生曰。與我七草。方不叫破。又從之。然許終恐負公子托也。更草七藝。為之寒責。榜發。公子與隔號生俱捷南宮。共謀所以報許。許曰。大福不再。功名非所願也。任我意飽煖于二

冢可耳。知其事者。謂一童生中兩進士。鶴升集

古今名爵之盛。王謝尚矣。唐如張說。三世宰相。明如靈寶許氏。一門皆貴。希遇也。我朝建興人物之盛。亦有足述者。父子尚書。王崇簡。宛平人。兄弟總憲。徐元文。徐乾學。崑山人。父子同時總督。白色純。白秉貞。遼東人。一榜三鼎甲。馬世俊。狀元。鮑亦祥。榜眼。葉方藹。探花。俱江南丁酉科。方月江。猶所取也。一門三鼎甲。徐元文。狀元。徐秉義。徐乾學。俱探花。同榜一縣兩宰。輔山東益都孫廷銓。馮溥。俱已卯科。洪承疇。以內閣經畧五省。吳興祚。由知縣三年陞總督。皆異數。柳窗小史

子本籍休寧人。寄錢塘。同時兩相國。黃次辰。錢塘。



人。吳賡菴正治。休寧人。俱與子鄉誼甚篤。

金進士居敬未遇時。祈夢于少保墳。夢語之云。對陸生之策。淹蹇數科。乙丑捷南宮。殿試日。謂陸肯堂曰。狀頭定屬君。問何以知之。遂述其夢。已而果然。棟園新語

一書生禮奎神處甚。同儕戲以經書文七首置神座前。書生得之。喜曰。神賜也。稽首受而讀之。及試命題。一如

所讀。竟登第。又荆溪州處祠。十人號有見像蒙垢者。盥

手拂拭之。其人素羸。忽覺神王。後以勇聞。人謂得周默

助云。說儲

壬辰子與胡道南沈禹玉會試。其偶都城峩眉寺。子語道南云。參乎企章題。曾揣摩否。道南曰。未也。時已

二月初六將進闈矣。道南晚作此題文。止三百餘字。予爲評隲訖。語曰。子一時未能收束作短篇。不能與兄再作同門也。及至小寓。將進場時。同在炕上。予偶云。道南昨作參乎章好甚。同人取閱。而禹玉注目多時。予謔之曰。君欲抄其文耶。何閱之久也。子與道南禹玉卷。俱在王公舜年房內。道南中式。批子落卷。有人患才少。君患才多。再一整鍊。自扳前茅語。禹玉已得復失。閱其落卷。卽次題參乎企抄道南新作。因雷同而黜。道南初謁房師。卽云場中兩卷俱好。惜二題重複。鄰房李公目云。旣抄時文。何不兩棄。王公云。必中其一。心乃安。李爲拈闈。乃得胡而棄沈。子曰。此有



天道存焉。喜以文請教人。及好抄人文者。均當以是為戒。

戊子予讀書靈隱。偶憇冷泉亭。見李文宗際期屏去騶從。止携一小童。步行入寺舍。與予書齋僅隔一壁。移時李公步行去。鄰僧急過予云。黃公索僧以尊諱而遮宗師云。值此時而隔壁有士子。學生未識其面。夜過午。書聲不絕。當培植之。宗師唯唯。小僧特來報喜。予詢之。方知黃公諱鳴俊。字跨千。出浙文衡。歷官巡撫。為李公房師。避諱此寺。前輩之歛跡如此。予再投稟謝之。禮意甚殷。極口贊許。絕不道及薦予一字。科舉零落。文宗面諭此意。

壬午十月二十二日。隆阜戴應昌字孟全中式歸。借子里德聚堂。侯縣官迎出東門十里。再赴公宴。相傳昔年程篁墩鄉居。值本縣宴科舉。程公陪席。因斟滿一爵云。諸兄能決科者飲此。汪循應聲起飲。程公曰。兄果爾爾。老夫當出郭迎十里也。汪公中式歸。坐漲山舖。不赴宴。為致此意。程公曰。我幾忘之矣。急出迎。本縣隨行。今相沿為例。然亦陋矣。

天啓壬戌。狀元文公震孟。未及第時。以孝廉作教。事先聖。備極誠敬。朔望瞻禮。儼然如在。春秋丁祭。則致齋禮祀。凡籩豆之類。無不先期躬親潔濯。如是者三年。一日丁祭。見宣聖空中伸一巨手。取芹菜而起。見者咸驚神。

寄園寄所寄卷之二  
與。次年公遂及第。錄書

建昌斯孝廉。始赴省試。夢神謂曰。臬司掾某爲汝座師。醒大不樂。曰。試何與臬司。且掾何爲者。此不捷兆也。入省。訪臬司。果有是掾。因與往還。致慇懃。掾亦不省。夢所謂。揭曉前一日。監臨以藩司掾填榜。恐匿弊蠹。忽召臬司。此掾入填名。至半。忽二廣文爭卷。一曰斯某卷好。監臨曰好。掾遂填註。一曰其卷尤好。監臨曰果尤好。掾曰已真斯某矣。曰。汝知是何斯字。曰。是斯焉。取斯斯字。監臨曰。莫非天定。遂罷爭。蓋掾因往還熟姓名也。其見夢也有故。不獨其言驗而已。耳談。

句容宜巡按重光。未第時。夢其父曰。汝功名在朝天。

宮某道士身上。覺而信之。訪其人訂交焉。既而辛卯金陵填榜。卽某道士也。試官折卷到宜名。方訝其姓。欲易之。而道士聞唱名時。已直書其姓名矣。遂得不易。與此事類。

順治丁酉科。以江南試場榜發。諸生哭於文廟。有以首題作爲黃鶯兒歌之者。其詞曰。命意在題中。輕貧士。重富翁。詩云。子曰全無用。切磋在工。往來要通。其斯之謂方能中。告諸公。方人子貢。原是貨殖家風。上聞并北場。皆嚴處分。鷄窗剩言

壽州葉甲。丁酉中式第七。後緣事改名。入學補廩。康熙戊午金陵鄉試。語同寓休寧戴錫蕃曰。吾夢場中首。

題是點爾何如一節併囑其從遊王宅三王鑑各作一  
藝戴以舊題熟擬未必出置之是科首題抑為之不厭  
三句夢弗驗也越三年辛酉二王復科舉戴又與同寓  
因問其師葉則去年七月作古矣是科首題果點爾何  
如一節出場時二王相告以為異是科戴中副車懷秋  
集

楚士某常夢人謂曰號舍居左者中則汝始中而屢科  
無居左中者及齒長途窮破釜猛進而夢不已再入棘  
間居左者文苑昏然不省則大哭曰此生其休矣因信  
筆重作七菀貽居左者是人尚謂苦已妨其曳山山而  
亦為謔寫畢然是人常夢已中半邊解元榜出果同中

而士解元中後是人發憤積學名幾與士軌耳談

順治丁酉科豫章一士子入闈中作文繕寫已畢甚覺  
謙意忽見魁星跳舞其前曰汝今科狀元也可書狀元  
二字于我掌上士子大喜捉筆纔書一狀字魁星倏以  
手反撲印於卷面而去此卷因是不得騰進蓋士子頗  
善吏筆也認庵側筆

嘉靖間有南人劉勝義者設帳永平涿州入籍中北直  
鄉試以冒籍被攻除革隨入南籍中南直鄉試以在外  
年久又被攻除革乃自叫闈請旨准在何處考試隨蒙  
奉旨批云狀元天下有兩舉世間無准為進士治錄亭  
開筆



十餘歲。猶橫經授易。見蜀志。然則彭祖之壽豈誣哉。升  
菴外集

昔有行道人。陌上見三叟。年各百歲餘。相與鋤禾莠。往  
拜再三問。何以得此壽。上叟前致詞。室內姬粗醜。二叟  
前致詞。夜飯減數口。下叟前致詞。暮臥不覆首。旨哉三  
叟言。所以壽長久。客中別集

高皇帝召耆老謁見。而崑山周壽誼居首。年一百十三  
歲。賜宴及鈔幣。天順中。召京師人百四歲。茹大中入見。  
便殿賜宴。順天府賜冠帶襲衣。命禮部尚書姚夔遊其  
第賀之。成化中。韓王奏羣牧所千戶朱政曾祖年一百  
歲。而終。祖全一百二歲。父錯八十二歲。見存三代。皆以

千戶致仕。詔全歸俱進階宣武將軍。各賜羊酒白米二  
石。弘治中。吾州毛彌年百歲。而孫涇狀元及第。有司馬  
為蓋人瑞。狀元坊。盛事也。皇朝盛事

崑山周壽誼年一百十三歲。生於宋而鄉飲於洪武六  
年。子孫皆有百歲。家建世壽堂。六世孫震。正德中。令鄱  
陽。出世壽卷。士夫多題詠之。中洲野錄

胡忠安公澂。天順初年。年八十二。休致。其弟克恭克寧  
克誠。並年踰七十。蒼頭白髮。燕樂一堂。遂扁曰壽愷。一  
時以為榮。駒陰元記

世言眉毫不如耳毫。耳毫不如老鬢。此言老人鬢鬢嗜  
飲食。最年老之相也。此語未必然。某見數老人皆飲食

至少。其說亦有理。內務張茂而每食不過麤飯一盞。託濃膩之物。絕不向口。老而安寧。年八十餘卒。茂而每觀人。必曰且少食。無<sub>不</sub>飽。王哲龍圖造食物必至精細。食不盡一器。食包子<sub>一二枚耳</sub>。年八十卒。臨老尤康強。精神不衰。王<sub>為</sub>食取補氣。不饑即已。飽生眾疾。至用藥物消化<sub>之</sub>。劉几秘監食物尤薄。僅飽即止。亦年八十而卒。喜飲酒。每飲酒更不食物。啖少菓實而已。循州蘇侍郎。每見人即勸令節食。言食少即臟氣流通而少疾。蘇公吃瘴鄉。累年近六十。而傳聞亦康健無疾。蓋得其方也。蘇公飲酒而不服藥。每與客食未飽。已捨匕筯。續明道雜志

王翁湯陰人。年一百八十。而肌膚綽約若處子。且豪飲數斗不醒。常過胡孝廉元瑞座間。尚出諸名流贈章索題。元瑞為作長歌。所謂自言今年一百八十。九朝舊事盤心胸。高談弘正儼目睫。信陽北地俱兒輩。則李少君為數百歲人。能識武君坐中九十餘老人。言與其大父遊射處。及齊桓公時銅器。信有之也。而好詞賦。遊五岳則又奇矣。耳談

巴陵老人。年一百八十歲。誕日山中人競舉觴。鼓吹喧沸。適楚直指毛公過其地。聞之問知其故。因屏騶從。獨騎詣之。人見尊官至。皆奔避。公曰無然。吾謁壽星耳。然至者數人。皆雁眉皓髮。莫別誰是老人。數人對曰。家君

尚未出。蓋皆其子也。及老人出。顏貌益異。酒數行。老人問曰。大人何名。曰。我名伯溫。老人曰。是矣。我少時有劉伯溫者。筭我命。題數語紙上。曰。汝一百八十歲。有人與我同名字。是人來。汝謝世。因返舍沐浴端坐而瞑。公亦呀嘆而返。楚萬戶劉子才傑談。雲中大中丞梅公祖母熊太宜人。年百歲。臺司爲建百歲坊。其祖太守公。年九十二。曾祖並母年各九十三四。一門止壽。古所罕有。而金紫蟬聯。羅列堂下。又難矣。中丞父南山公。壽七十。飲食房惟如常。其於百歲。不必君平可卜矣。全上

洛陽劉太師健。初生月餘。有僧過其門曰。此兒七死不死。過了四十。官至一品。壽過一百。後讀書古廟。一夕風

雨。敗壁壓體。明日方得出。一也。鄉貢入京。爲盜縛於雪地。凍餓幾死。二也。會試場中失火。犯烈焰而出。三也。飲酒友家。主人恐客散去。鎖閉大門。一時火起。客多死。火而得獨全。四也。傷寒死去三日而甦。五也。過海封王。舟壞漂蕩幾死。旣而得生。六也。一日晝寢。有貓過身側。爲霹靂震死。因驚死踰時乃醒。七也。是皆四十以前事。後則日受封爵。孝宗朝以爲首相。正德二年去位。景朝贈秩至太師。年百七歲卒。或云年九十四。七修類纂

范蜀公將薨。數日。鬚眉皆變蒼黑。矐目郁然如畫。先君兩淮公。自解組以來。多講出世之術。迄鬢年。眼目昏花。不能見物。康熙壬寅年八十二歲。將易簣。神彩精爽。兩

目炯炯。遍呼子姪輩。矚視之。乃薨。此事與范蜀公同。東坡嘗云。平生虛心養氣。數盡神往。而血氣不衰。故發於外。如是耳。梅窗小史

明山東掖縣人趙耀。官吏部尚書。胞弟煥。左都御史。弟某。孝廉。門顯赫。耀歸省時。父母皆八十餘人。咸以為

榮。國朝刑部尚書李化熙。長山縣人。胞弟李文熙。掌河南道御史。以其母一百零一歲。請旨建坊。杭州

黃相國機母。亦百歲。餘建坊于門。曰百歲壽母之門。貴而且壽。真為難得。鹿草亭集

家王峯少宰太夫人萬氏。年將百齡。尚視聽無缺。都門咸以為人瑞。

天聰三年。車駕至海州。閱視城垣。命葺其傾頽者。海州有一漢人。年一百三歲。妻一百五歲。子七十三歲。其族皆持齋。上聞之。令其父子來見。謂海州守臣曰。此老人可令在廟中奉祀。以終餘年。勿得擾害。仍賜之牛種。鹿草亭集





方孝孺髻鬣已善屬文。雙眸炯炯如電。讀書十行俱下。日積寸許。見典冊所載聖賢名字。或良將相形貌。輒然記欣然。有願慕之志。鄉人呼爲小韓子。玉堂叢語對偶之佳者。曰九州四海。悉主悉臣。億載萬年。爲父爲母。平生能着幾輛屐。長日惟消一局棋。有文事。有武備。與神爲謀。無智名。無勇功。惟聖時若。數點雨聲風約住。一枝花影月移來。柳搖臺榭東風軟。花壓欄干春晝長。勸君更盡一杯酒。與爾同消萬古愁。天下三分明月夜。揚州十里小紅樓。梨園弟子白髮新。江州司馬青衫濕。臨邛道士鴻都客。錦里先生烏角巾。屋簷下天燈。樓板上地舖。丈夫不學曹孟德。生

子當如孫仲謀。

三光日月星。四詩風雅頌。

釋史

五行金木水火土。四位公侯伯子男。

老鼠上栗樹。喫

栗落殼。螃螬入菱池。擒菱鉗蓮。

尼姑田裏馱禾上。女

子房中抱繡裁。

和尚墻頭遞酒。必是私沾。道童鍋裏

燒茶。何須確煮。

吳先生飲酒。倒口便吞。謝書辦要錢。

抽身卽討。

棋客着棋。着着出好着。藥工員藥。員員

員得能員。

嘯虹筆記

解學士縉。少年發解。及第後。偕伴至妓館。妓知其才名。乃淪茶止一甌。而三分之以進。曰。三分分茶。解解解元之渴。解應聲曰。一朝朝罷。行行行院之家。莫氏八林解學士七歲時。一友人持其父影而至。解橫書圖畫禽

獸友甚不樂。於是續云。圖公之像。畫公之形。禽中之鳳。獸中之麟。友笑而奇之。堯山堂外紀

解學士幼。母孀居。苦里胥催徵。具訴縣宰。併係以詩。有他年諒有相逢日。好把春風判筆頭之句。邑宰即指堂邊小松為題。令再賦。應聲曰。小小青松未出欄。枝枝葉葉耐霜寒。如今正好低頭看。他日參天仰面難。宰奇之。遂蠲其稅。全上

傅黃門凱。出使外國。道經仙遊縣。九仙祠。黃門虔禱。夢有孺子歌云。青草流沙六六灣。及入界。燕享殊隆。國王令主客者請曰。黃河潛水三三曲。願天使為我對之。黃門應以夢中句。國王驚照。盡以珍寶奇玩。厚遺而還。蓋

華有九曲而彼國亦有三十六灣也。敬夢錄

永樂中。江南一太學生。需選京師。見邸間題云。客眠孤館。夢魂常到故鄉來。一日閣中傳旨云。人立斷橋。形影不隨流水去。生以壁間句奏對。得官。堯山堂外紀

都憲韓公雍。巡江西日。方鞠死獄。忽誦句云。亦上凍冰水積雪。雪上加霜。一囚曰。空中騰霧霧成雲。雲開見日。公稱善。為減死。鞠於元紀

于肅愍八歲時。衣紅衣。馳馬。有隣人呼其名戲之曰。紅孩兒騎馬遊街。公應聲曰。赤帝子斬蛇當道。對譜

于肅愍幼時。其母梳其髮為雙角。僧人蘭古春見之。戲曰。牛頭喜得生龍角。公即對曰。狗口何曾出象牙。公回



對母曰。今後不可梳雙角矣。他日古春過學館。見公梳成三角髻。又戲曰。三角如鼓架。公又對曰。一禿似播槌。古春遂語其師曰。此兒救時之相也。三異人書

徐晞為郡吏。偶隨守步庭堦中。見一鹿伏地。守云。屋北鹿獨宿。晞應聲曰。溪西雞齊啼。守遂不以常禮遇之。韻

林

儲囁初游州庠。不循矩度。學官示以句云。賭錢喫酒養婆娘。三者備矣。儲應聲曰。齊家治國平天下。一以貫之。已而舉應天癸卯鄉試第一。甲辰會試第一。比廷對。囁以三元自期。內閣問其自負。乃抑置二甲第一。自後勵行儉。務文學。遂得全終身名。堯山堂外紀

楊文襄八歲時。以奇童薦。太宗伯姚夔獨器之。疏補翰林秀才。憲宗命內閣選師教之。受業於黎文僖公。成化戊子。年十四。中順天鄉試。時已抗顏為人師。有文中子之風焉。玉堂叢話

林舉人章。字初文。福清人。七歲能詩。塾師試題羣羊。應聲而就。落句云。曾從北海風霜裏。伴過蘇卿十九年。又題詩文公像云。默立藍關雪。回看秦嶺雲。非干馬不進步。步步戀明君。塾師嘆曰。此子他日必忠而苦節者。列朝詩集

袁相國履善。六歲時。與羣兒戲。自稱小相公。潞溪彭公見之。出對云。願為小相。袁即答云。竊比老彭。厥後相國

年登耄耋。直言遂成識語。珊瑚網

翰林舊有句云。賓之。李西訪東之。江朝東之賓之。適陳

啓東謁選至。吳文定以扣之。答曰。回也待由也。由也回

也。西涯爲之擊節。對譜

紅荷花。白荷花。何荷花好。黑甚子。赤甚子。甚甚子甜。客

中間集

李西涯與程篁墩過采石。西涯曰。五風十雨梅黃節。篁

墩曰。二水三山李白詩。神童集

林莊敏公九歲時。邑宰謁其尊人梅所先生。公侍側。有

白犬在門。顧梅所。宰出句云。白犬當門。兩眼睜睜惟顧

主。公曰。黃蜂出洞。一心耿耿只隨王。宰嘆曰。公輔之器

△上

紹興董元。雲南太守復次子也。八歲詠胡桃曰。形非如

雞子。剛柔實未分。擘開混沌殼。渾是一團仁。梅月曰。夢

覺羅浮夜已闌。碧天雲靜月團圓。玉人不學桃花面。淨

洗紅粧鏡裏看。真楷草書。歌賦序記。及三場文字。無不

精妙。弘治乙卯。張御史請照李東陽程敏政楊一清洪

鐘事例。送翰林院讀書。疏上。上召試。不如式。命還籍。充

會稽縣學生。更名玘。乙丑會元。堯山堂外紀

王文恪公年十二。能書。有以呂純陽渡海像求題者。公

援筆書云。扇作帆兮劍作舟。飄然直渡海洋秋。饒他弱

水三千里。終到蓬萊第一洲。神童集

奇聞行斤斤卷六

神童

五

王陽明年十一時。過金山寺。龍山公與客。酒酣賦詩。未  
成。陽明從旁曰。金山一點大如拳。打破維揚水底天。醉  
倚妙高樓上月。玉簫吹徹洞龍眠。客驚異。復使賦破月  
山房詩。隨應曰。山近月遠覺月小。便道此山太於月。若  
人有眼大如天。還見山小月更濶。堯山堂外紀

楊公繼盛。鄉塾讀書。師出。羣童爲迷藏戲。師歸怒曰。藏  
形匿影。能屬對者免責。公曰。顯姓揚名。師許字以女。三  
異人書

嚴嵩十二歲游郡庠。有提學爲句曰。玉關千里。鄉心一  
片。兩絲絲。嵩曰。金闕九重。聖壽萬年。春蕩蕩。續白舟故

施榮年幼而貧。謁張都憲。張曰。新月如弓。殘日如弓。上  
弦弓。下弦弓。榮應曰。朝霞似錦。晚霞似錦。東川錦。西川  
錦。張卽招與子同學。堯山堂外紀

陸貞山粲。有對云。棗棟爲薪。截斷劈開成四束。闌門起  
屋。移多補少。作雙間。粲兄采亦善屬對。東郊巡按蘇松  
許御史戲云。北臺東御史。西人巡按南方。采私對云。冬  
官夏侍郎。春日辦完秋稅。又一對云。呵硯作書。口內風  
雲生黑雨。采亦屬云。鋪脾得快。掌中天地現金星。對  
策書

李空同督學江西。有士子適同其姓名。公呼前。出一對  
曰。蘭相如。司馬相如。名相如。實不相如。其人應曰。魏無

忌長孫無忌。汝無忌。我也無忌。堯山堂外紀

坡公曰。栗破鳳凰見。佛印對曰。藕斷鷺鷥飛。佛印曰。無

山得似巫山好。坡公對曰。何葉能如荷葉圓。子由曰。不

若何水能如河水清。釋史

戲臺賣茶棚下。溪西俞老人作聯云。足固任勞。胡不冷

腰一息。眼宜縱飽。亦當為腹三思。其自壽六十云。非無

意於求安。胎投已定。何以知其必壽。膽未全嘗。添足古

句云。天下無不是底父母。無父母日方知。世間最難得

者弟兄。有弟兄時不覺。甯虹筆記

李時嘗以臘雞獨擅江南味。戲夏言。言即應以響馬能

空糞北羣。人嘲江西以臘雞。畿輔以響馬。故二公各指

所籍為戲。賁飯編

陳啓東震。長洲人。善屬對。人以拘頸葫蘆四字命對。未

就。方沐浴。偶得空心蘿蔔對之。喜躍益為破。啓東訓導

分水。一人題橋云。分水橋邊分水喫。分分分開。啓東過

而見之。續曰。看花亭下看花回。看看看到。皆其邑地名

也。陸文諒叅政浙藩。與啓東飲。見其寡髮。戲之曰。陳教

授數莖頭髮。無法可施。啓東曰。陸大人滿臉鬚鬚。何須

如此。陸公大賞嘆。釋史

一審官怒生員詞窳。出對云。兩猿截木山中。小狢猓焉

能作對。應聲曰。匹馬陷身泥內。老畜生怎得出蹄。對林

古對以文字分合者。如釵麈觸槐。甘作木邊之鬼。豫讓

笑塵寄神童

七

吞炭終爲山下之灰。閑字多。未爲佳句。不若陳亞有心。終是惡。蔡襄無口便成衰。二人土上坐。一月日邊明。半夜生孩子。子亥二字難定。兩家婚配。已酉一日爲佳。近又聞有云。人曾作僧。人弗能以作佛。女卑爲婢。女又可以爲奴。企上

小字始於漢。盛於晉。如犬子對豹奴。又如桐君桂父。皆仙人名。百足三尺。皆蟲名。姑惡子規。皆鳥名。子林臥千律中。曾以鳥名伯勞。對姑惡。古人表字朱翁子。對祭弟孫。胡仁祖褚孝孫。

王公世貞幼見鬻刀者。師命作詩。輒云。少年醉舞洛陽街。將軍戰死黃沙漠。予幼以儒童應試時。廖經歷以貢

途攝縣。命予對。八歲兒童。豈有登科之志。予應云。三年經歷。料無報國之心。予怒其詞媿。故借音以誚之。又一日。遇予於途。復召試對。雞鳴犬吠占稠密。予對曰。鳳舞龍飛識太平。郡守蕭公知之。方入試。公問曰。童子能對抑亦能詩乎。曰。能。曰。汝詠童子手中筆。予應聲曰。筆與大人同。今日能揮墨。他年定着紅。蕭公大賞。卽以予文薦之學使。列名庠校。彭北邨集

李膺召入內庭。過門高。中貴曰。神童脚短。李膺言。天子門高。遂肄業翰林。孫公承恩五歲。吳一齋公指紅燭試破。卽答云。色似朝霞。光同夜月。吳歎曰。此華國之器。洪舍人鍾四歲。善大書。憲宗召見。命書聖壽無疆。鍾捉筆





容所寄卷六  
不下。上曰。汝容有不識者乎。鍾頓首曰。臣非不識。第此字不敢於地下書耳。卽令內侍昇几。一揮而就。全上  
王侍郎道亨。年十二。咏古塢云。浮屠何代建。峭拔入雲端。絕頂登臨處。摩娑星斗寒。劉中行見而奇之。曰。寇萊公舉頭紅日句。或不過是。全上

有才士偶成一對云。冬夜燈前。夏侯氏讀春秋傳。久未有對者。後請丘仙。以此問之。方對曰。東門樓上。南京人唱北西廂。蘇雷編

焚塵寄

閩中異人

女主乎內以聲不越閭爲賢豈尚異哉。獨自媧天補石來異者多矣。吾摘其近以媿鬚眉。

漢曹大家班昭。續成漢書。崔篆母師氏。封義成夫人。秦竇滔妻蘓若蘭。齊劉孝綽三妹。陳女學士袁大捨等。秦草逞母宣文君。唐女學士宋若莘。若昭。若倫。若華。若憲。閩閩南妹爲不備進士。婦人能文者。類不勝舉。要當以蘓若蘭爲冠。補虹筆記

唐三原孟媼。號張大夫。夫死續夫事。郭汾陽。七十二歲。仍生二子。百餘歲卒。李抱玉。青衣石氏。冒封國子祭酒。

齊女子妻暹。仕至揚州義曹從事。全上

隋室既受周禪。蘓威遁歸田里。可謂節矣。而終失身於  
僭偽之朝。宋議立異姓。秦檜抗言見執。可謂義矣。而終  
誤國於渡江之後。王莽篡漢。其女為孝平后。稱疾不起。  
守志終身。曹丕篡漢。其妹為孝獻后。以璽抵軒。涕泣橫  
流。楊堅篡周。其女為天元后。憤惋不平。形於辭色。徐誥  
篡吳。其女為太子璉妃。聞呼公主。則涕泣而辭。司馬炎  
篡魏。其諸祖安平王子。自稱有魏貞士。不預廢立之謀。  
武嬰篡唐。其姪安平王攸緒。棄官不受其賜。歸隱嵩山。  
朱溫篡唐。其兄廣王全昱。責其滅唐社稷。知有覆宗之  
禍。此三男子。四婦人者。不隨其親。可見天理人心之不

泯矣。獨笑偶言

女學士。孔貴嬪也。女校書。唐薛濤也。女進士。宋女郎林  
妙玉也。女狀元。蜀黃崇嘏也。崇嘏臨邛人。作詩上蜀相  
周庠。庠首薦之。屢攝府縣。吏事精敏。胥徒畏服。庠欲妻  
以女。嘏作詩辭之曰。一從拾翠碧江湄。貧守蓬茅但賦  
詩。自服藍衫居郡掾。永拋鸞鏡畫蛾眉。立身卓爾青松  
操。挺志堅然白壁姿。慕府若容為坦腹。願天速變作男  
兒。庠大驚。具迹本末。乃嫁之。傳奇女狀元春桃記。蓋黃  
事也。升菴外集

獨孤信三女。俱為后。各生周隋唐一朝天子。長生周武  
帝。次生隋煬帝。次生唐高祖。獨異志



晉王李克用妻劉氏夫人常隨軍行。至於軍機多所取益。北夢瑣言

女子爲女官者。女侍中。後魏元叉妻胡氏。齊高岳母山氏。趙彥深母傅氏。南漢盧瓊仙女尚書。魏明帝選知書女子爲女學士。宋孝武朝。韓蘭英爲女博士。女子爲男官者。女將軍。晉王族起兵。顧淑母孔氏年百餘。以爲軍司馬。厥復以己女爲貞烈將軍。唐行營節度許叔異。以衛州女子侯氏。滑州女子唐氏。青州女子王氏。歌血赴義。秦授爲果毅。陳女白頸鷓爲契丹懷化將軍。侍夫數十人。女子執國政者。齊陸太姬。司綸紉者。唐上官婕妤。女子詐爲男子而有官位者。石祭酒。婁錄事。黃崇假。薛

壽林妙玉之外。又有朔方兵馬使御史大夫孟氏。宛委餘編

女子善將兵者。趙陀同時有保寧洗氏。陳氏。又有馮寶妻洗氏。封石龍夫人。明石碣司土官秦良玉。作賊者。漢交趾女徵貳徵側。反擾嶺外。六十餘城。唐睦州女子陳碩真反。破犂歙二州。明永樂時。唐賽兒反。雜窗剩言晉王厥女爲正烈將軍。朱序母守襄陽。築夫人城。唐鄒保英妻爲誠節夫人。王氏女殺賊爲奇義夫人。荀攸女拔圍請兵。古立應妻高守城。封狗忠縣君。平陽公主起兵。號娘子軍。肅莊筆記

韓氏。保寧民家女也。明玉珍亂蜀。女恐爲所掠。乃易男

子餘。從征雲南。往返七年。人無知者。後遇其叔。一見驚異。乃携歸。四川人皆呼曰貞女。焦氏筆乘

黃善聰。金陵淮清橋人。年十二失母。有姊已適人。父販線香爲活。憐善聰孤幼無依。詭爲男子裝。携之遊廬鳳間。數年。父亦死。善聰變姓名曰張勝。仍習其業。李英者亦販香。自金陵來。不知其女也。約爲火伴。同寢食者踰年。恒稱有疾。不解衣。夜乃溲溺。弘治辛亥正月。與英偕返金陵。年已二十矣。往見其姊。姊言我初無弟。安得來此。善聰笑曰。弟卽善聰也。泣語其故。姊怒。且詈之曰。男女亂羣。辱我甚矣。汝雖自明。誰則信之。拒不納。善聰不勝憤懣。泣且誓曰。妹此身苟溲。有死而已。須令明白。以

表此心。其隣有穩婆。姊呼驗之。果處子。乃相持慟哭。手爲易男子裝。明日英來。再約同往。則善聰俄爲女子矣。英大駭。問知其故。快快如有失。歸告其母。其母賢之。時英猶未室。卽爲求婚。善聰不從。曰。妾竟歸英。保人無疑乎。交親隣里相勸。則涕泣橫流。所執益堅。傾都喧傳。以爲奇事。厥衛聞之。乃助其聘禮。判爲夫婦。全上

節孝婦宋氏。洪武初生。成金齒。奉姑偕行。過盤江守渡。題詩郵亭壁上。訴其流離困路之情。今雲南永昌城西。有碑樹祠旁。御史黃中題其碑陰焉。祠則御史陰汝登建。其詩云。郵亭咫尺堪投宿。手握親姑憇茅屋。抱薪就地旋鋪攤。步頤相向吞聲哭。傍人問我來何方。俛首哀

哀訴衷曲。妾家祖居金華府。海道曾爲上千戶。舉艘運粟大都回。金牌勅賜雙飛虎。兄弟晦迹在山林。立志從文不從武。今朝玉堂宋學士。亦與妾家同一譜。笄年嫁向衢州城。夫婿好學明詩經。離騷子史遍搜覽。志欲出仕甦蒼生。前春郡邑忽交辟。辭親千里去神京。丹墀對策中殿舉。馳書飛報泥金名。承恩拜除閬州守。飄然畫舸西南行。到官未幾訪遺老。要把奸頑盡除掃。日則升堂治公務。夜則挑燈理文藁。守廉不使纖塵污。執法致遭僚佐怒。府推獲罪苦相禁。察院來提有誰訴。臨行囊橐無錙銖。惟有舊日將去書。城中父老泣相送。道傍聞者咸嗟吁。彼時徵賦動盈萬。妾夫自料無從辦。經旬苦

打不成招。暗囑家人莫送飯。嗟吁餓死囹圄中。頭旗原籍來抄封。當時指望耀門戶。豈期一旦翻成空。親隣憐妾貧如洗。歛鈔殷勤饋行李。伶仃三口到京師。奉旨邊軍戍金齒。阿弟遠送龍江邊。臨岐抱頭哭向天。姊南弟北兩割痛。別後再會知何年。開船未遠子病倒。求醫問卜皆難保。武昌城外野坡前。白骨誰憐葬青草。初然有子相依傍。身安且不憂家蕩。如今子死姑年高。縱到雲南有誰望。八月官船渡常德。促裝登途慘行色。空林日暮鷓鴣啼。聲聲叫道行不得。上山險如登雲梯。百戶發放來取齊。雨晴泥滑把姑手。一步一仆身沾泥。晚來走向營中宿。神思昏昏倦無力。五更睡熟起身遲。飯鍋未

寄周寄所寄卷六  
熟旗頭逼。翻思昔日淡闌內。遠行不出中門外。融融日影上欄干。花落庭前鳥聲碎。寶髻斜簪金鳳翹。翠雲纏髮蛾眉嬌。綉床新刺雙蝴蝶。坐久尚怯春風饒。豈知一旦夫亡後。萬里遐荒要親走。半途日暮姑云饑。欲丐奉姑羞舉口。同來一婦天台人。情儂薄似秋空雲。喪夫未經二十日。畫眉重嫁鹽商君。血色紅裙綉羅襖。終日騎驢涉長道。穩坐不知行路難。揚鞭笑指青山小。取歡但感新人心。那憶舊夫恩愛淡。吁嗟風俗日頹敗。廢盡大義負黃金。妾心汪汪淡如水。寧受饑寒不受耻。幾回欲塞江魚腹。姑存未敢求生死。前途姑身少康健。辛苦奉姑終不忍。姑亡妾亦隨如二。地下何慚見夫面。說罷傷

心淚如雨。咽咽垂頭不成語。道傍見者為酸心。隔嶺嗷啼叫何許。鐵橋志

洪武間。勅封滇中武定府土官地法叔妻商勝。為武定府知府。通記

靖難後。誅僂臣僚。妻子發教坊。或配象奴。有一烈婦題詩於衣帶間。赴武定橋河而死。或云。松江謝氏婦。籍沒給配象奴。詩曰。不忍將身配象奴。手提麥飯祭亡夫。今明武定橋頭死。要使清風滿帝都。列朝詩集

正統間。項襄毅公忠。以藎駕陷於邊陲。因善一胡婦。婦曰。君欲歸乎。公曰。固所願也。婦曰。吾頗習途徑。與君俱往。隨戒餼糧。同公潛行。行且強半。婦曰。此去邊關。尚須

四日程度所齋糧不足供兩人且其入關必多盤詰往  
刻借斃耳前途遊騎漸少達彼甚易請從此別遂以糧  
授公竟自刎死公急救不及忍痛獨行甫抵關枵腹已  
一日矣乃祀婦於家廟遺愁集  
夜梅者夔人婦也正統初木邦犯境至順寧郡男女與  
敵皆北夜梅手持尺劍殺其百十餘騎而歸名勝志  
歸安女倪氏許聘陳敏八敏八從軍不返誤以死聞倪  
矢志不嫁越五十載而敏八歸始成婚姻之禮女年六  
十一去年六十八兩人霜雪盈顛人號白頭花燭此僅  
事亦韻事也濠州府志

景東府治東有邦泰山土官陶姓世居其麓正統間土

知府陶瓚襲職值施川叛寇入境瓚祖母阿曩率所部  
禦賊斬馘甚多境土以安朝廷命進曩為太淑人景東  
府志勝

文紹祖福州福清縣人有子與柴公行議親既問名柴  
女忽中風紹祖欲更之其妻大怒曰我有兒當使其順  
天理自然久長悖理傷義是為速禍因勸紹祖仍娶柴  
女歸次年紹祖子登第柴女風疾亦痊生三子皆登第

臣鑒錄

豐城楊女為李姓婦譚兵圍南昌小校王某掠歸山東  
婦曲意事其妻甚見暱生一子矣校家漸落從軍去婦  
詭語妻曰妾故夫大家先世遺厚貲曾以金珠數斛潛

瘞密室。今夫死妾擄棟宇皆燼。使得發埋貲至此。何患不富乎。但非妾親行不可。此呱呱何堪久擲。妻大笑曰。若子吾自撫之。乃釋笄薙辮。靴袴腰刀。從兩健兒躍馬而南。渡章江。去家數十里。止逆旅。以醇酒醉兩健兒。夜起馘之。馳至里。以策搗家門。坐索故夫。夫出。匍匐不敢仰視。趨抱曰。妾非他。被掠楊氏婦也。具述易救巧脫狀。縣官爲給牒獎許。紳士歌詩美之。彙書

女學士沈氏。名瓊蓮。字營中。烏程人。世傳富民沈萬三之後。有廷禮父子。皆仕於朝。沈以父兄之素。得通籍掖廷。嘗試守宮論。其發端云。甚矣泰之無道也。宮豈必守哉。孝廟悅。擢居第一。給事禁中。爲女學士。弟溥。官通判。

卽就試寄詩者也。今吳興人呼爲女閣老。傳其宮體諸詩。時人以爲媿好花叢。不足多讓。列朝詩集

白母者。山陰葛氏女也。年十六。歸白公瑾。公素弱。母爲善調節。使讀書。成所學。成化中以進士爲分宜知縣。母與俱往。其明年。公病踰時。而庫所貯銀尚數千兩。隣境有因饑作亂者。聚徒百餘人。將劫取之。縣無城郭。寇倉卒及門。諸簿丞與其妻孥俱棄署走。匿他所。母獨分布家人。力拒其兩門。乃始遷公別室。埋其銀汚池中。着公之服升堂以候賊。賊至。則陽爲好語相勞。出其所私藏釵珥衣服諸物。以與賊。賊謝而去。而不知陰已表識之。用是捕獲。徐文長集



廣東按察使唐彬。有女七歲。於衙前手植荔枝。弘治間。嫁山陰進士張景琦。生子元冲。陞廣東副使。同往。再陞按察使。又往。凡三到。後人立三到堂誌之。既而孫一坤復任廣東按察使。接武是職。珊瑚網

盧翰妻李氏。名妙惠。有貞操。弘治初。盧會試不第。留京講學。有同姓名者死。誤傳至家。會歲饑。父母憐寡。強以聘江西新淦巨商謝能之子啓。李自經者再。不得死。迎歸謝。謝繼母亦揚州人。李懇乞爲婢。以全節操。啓不得奪。李侍母不離。啓先載鹽赴江西。母與李繼歸。舟泊金山。母與李登寺酬願。李題詩於壁云。一自當年折鳳皇。至今消息兩茫茫。蓋棺不作懷金婦。入地還尋折桂郎。

彭澤曉煙歸宿夢。瀟湘夜雨斷愁腸。新詩寫向金山寺。高掛雲帆過豫章。署其後曰。揚盧翰妻李氏題。既而盧舉進士。以修實錄。差往江西。過揚州。知李已嫁。登金山寺。見所題詩而泣。及至江西。訪鹽船多艤河下。教隸誦詩。往來鹽船間。二日。李聞知。喚問詩從何處得。隸告以故。李驚喜曰。吾夫尚存耶。密約暮夜以舟來送。蓋恐明言之。則聲揚不雅也。是夜。果附舟昇至盧寓館。爲夫婦如初。蓋李歸謝二年。貞操益勵。謝母亦爲護持。以遂其志。及是歸盧。母亦嘆異。堯山堂外紀

張紅橋。閩縣良家女也。居於紅橋之西。因自號紅橋。聰敏善屬文。豪右爭欲委禽。紅橋不可。語父母曰。欲得才

如李青蓮者事之。於是操觚之士咸以五七字爲媒。邑  
子王恭自負擅場。一盼而已。都不留意。長樂王儼。質居  
東鄰。竊見其睡起。寄之以詩。怒其輕薄。浹居不出。儼  
快而去。儼之友福清林鴻。道過其居。留宿。適見張焚香  
庭前。託鄰媪投詩。張捧詩爲之啓齒。援筆而答。媪將詩  
賀鴻曰。張娘子案頭詩卷堆積。曾未揮毫。今屬和君詩。  
誠所希有。鴻大喜。過羣。使媪道殷勤。越月餘。始獲命。鴻  
遂舍其家。以外室處之。自是唱和推誠。情好日篤。儼盛  
爲訪鴻。求張一見。張愈自匿。儼密賄侍兒。潛窺鴻與張  
作酥乳雲鬟二詩。調之。張愈怒。儼知其意。乃挽鴻遊  
三山。越數日。鴻歸。夜至所居。張方倚橋而望。鴻賦三絕

句。張倚和焉。越一年。鴻有金陵之遊。世和。大。東。一。與  
留連惜別。又明年。鴻自金陵寄模魚兒一闕。絕句四首。  
張自鴻去後。獨坐小樓。顧影欲絕。及見鴻詩詞。感念成  
疾。不數月而卒。鴻歸。遠往訪之。張已卒。失聲長號。徬徨  
之際。忽見牀頭玉佩玦。懸一緘。折之。有蝶戀花詞。及七  
言絕句。鴻哀怨不勝。賦哀詞。辭之。過紅橋。一慟而絕。列  
朝詩集

正德中。古杭清平山巷趙家妻黎氏。生二女。庚辰春。黎  
携二女觀燈叢禪中。少女爲惡少掠去。賣臨清沈鵬。擅  
名青樓。號賽濤。以詞翰能賽薛濤也。長女歸周子文。子  
文爲吏赴京。過臨清。見賽濤貌。肖其妻。注目久之。因留

宿焉。問所從來。秘不敢言。偶檢故書中。得詩一紙。子文詰之。乃告其故。訟之官。携歸父母。卽以賽濤歸子文。有曲江鶯囀集。皆賽濤詩詞也。全上

薄少君。婁東人。秀才沈承妻也。承字君烈。有雋才而天薄。爲詩百首。以弔之。踰年。值君烈忘辰。酌酒一慟而絕。哭夫詩錄十首。海內風流一瞬傾。彼蒼難白古今爭。哭君莫作秋闈怨。蘿露須歌鐵板聲。上帝徵賢相紫宸。賦樓何足屈君身。仙才天上原來少。故取凡間學道人。鐵骨支貧意獨淡。有晴不屑顧黃金。時人漫賞雕蟲技。沒却英雄一片心。碧落黃泉兩未知。他生寧有晤言期。情淡欲化山頭石。劫盡還愁石爛時。獨上荒樓落日曛。依

然城市接寒雲。恍疑廊下閒吟句。遙憶鬚眉莫是君。水次鱗居接葦蕭。魚喧米闕晚來潮。河梁日暮行人少。猶望君歸過板橋。見幼應知未識予。予從汝父莫躊躇。今生汝父無繇見。好向他年讀父書。男兒結局賤浮名。回首空嗟一未成。遺得八句垂白父。淚枯老眼欲無聲。他人哭我我無知。我哭他人我則悲。今日我悲君不哭。先維煩惱是便安。沉沉夜壑燃幽炬。塚入松根逼寢處。風凄月苦知者誰。夜與山前石人語。名苑詩歸嘉靖間。常熟沙頭市女子季貞一。少有夙慧。其父老儒也。抱置膝上。令咏燭詩。應聲曰。淚滴非因痛。花開豈爲春。其父推墮地曰。非良女子也。後果以放誕致死。全上

嘉靖宮人張氏早卒。殮於宮後。宮制。凡殮者必索其身。昨得羅巾。有詩以聞於上。上傷之。以宮監不早聞。杖殺數人。詩曰。悶倚雕欄強笑歌。嬌姿無力怯宮羅。欲將舊恨題紅葉。只恐新愁上翠蛾。雨過玉堦天色淨。風吹金鎖夜涼多。從來不識君王面。棄置無情奈若何。南寧伯毛舜臣在南京留守。洒掃舊內。見別院墻壁。多舊時宮人題詠。年久剝落。不能盡識。其一署云。媚蘭仙子書。末二句猶存云。寒氣逼人眠不得。鐘聲催月下斜廊。字婉麗。辭意凄怨。可想其風神月思。堯山堂外紀

周才美爲子娶婦。見其賢能。分理家政。付與一斛秤尺。各一器。諭以出輕納重。大小長短之法。其婦不悅。知是辭舅姑。不願爲婦。才美愕然曰。吾家所有田產。可供伏臘。何遽辭去。婦曰。翁之所爲。有逆天道。妾他日生子。定不肖敗家。人謂妾之所生。恐被玷累。才美曰。汝言誠是。當悉除之。婦問所用斗秤年數若干。才美曰。約用二十餘載。婦曰。必欲妾留此。許以小斗量入。大斗量出。小秤短尺買物。大秤長尺賣物。以酬前日欺瞞之數。才美感悟。欣然許諾。聽其所爲。其婦後生二子。皆少年登第。臣鑿錄

木生涇字元經。正德朝。以鄉薦入太學。嘗登秦觀峯。夢老媪携一女子甚麗。以一扇遺生。有詩云。塵中芍藥朶。蘿睡雨底梨花淺。淡粧小院黃昏人定後。隔牆遙辨麝

寄國書房書卷六  
蘭香。明年入都。道出土橋。渡溪水。得遺扇於草中。異之。題二詩於樹上云。隔牆遙望綠楊斜。聯袂女郎歌落花。風定細聲聽不見。茜裙紅入那人家。異鳥嬌花不奈愁。湘簾初捲月沉鉤。人間三月無紅葉。却放桃花逐水流。承樂中。用薦爲工部郎。休沐之日。偕僚友同出土橋。偶憇田家。老媪熟視其扇曰。此吾女娟娟手跡也。偶過溪橋失之。何爲入君手。女尋扇至溪橋。見二絕句。朝夕諷詠。得非君作乎。命娟娟出見。宛如夢中。二詩果生舊題也。其相歎異。遂爲夫婦。列朝詩集

洪承疇軍。其妻吳藥仙送之一絕。萬里從軍急。孤身一劍愁。家園落日裡。莫上最高樓。亦有英雄氣色。後管卒設帳受女徒。終於尼。西臯外集

徐氏居莆之北關。父龐鄉爲新安郡丞。以女許配俞郎。俞純綉兒也。合卺之夜。傳妍囑屬對句而就寢。徐指二硯。出句曰。點點楊花入硯池。近朱者赤。近墨者黑。俞縮瑟不能成句。徐笑曰。何不云雙雙燕子飛簾幙。同聲相應。同氣相求。後徐氏卒。俞郎取其著作焚棄之。僅存批點二十一史。又悼志賦一首。梁鴻王凝妻諸贊。及讀離騷六朝隋唐史論數十篇。友人鄭邦衡梓之以傳。列朝詩集

瑤華。字靈光。金陵曲中名妓。歸於新安汪景純。景純負俠氣。憂時慷慨。期毀家以紓國難。靈光多所欣助。景純以畏友目之。卜居白門城南。築樓六朝古松下。讀書賦詩。屏却丹華。景純好畜古書。壽鼎彝之屬。經其鑒別。不失毫黍。王伯穀亟稱之。以爲今之李清照也。景純在里門。有寄衣詩云。閉妾浚閩。惟有夢。憐君故國。豈無衣。手字清勁婉約。景純沒後。遂不作詩。所著遠山樓稿。亦不存。吳非熊尤岸然自負。靈光詩一出。皆閉筆歛衽。全上天啓元年。宣撫使奢崇明叛。石砭宣撫司掌印女官秦良玉勤王。秦氏世爲宣撫司。兄秦邦屏。邦翰。援遼力戰死。弟秦民屏。重傷。突圍出。得歸。時蘭賊厚遺秦氏。求其

助。良玉斬使留銀。率所部精兵萬餘。同秦民屏。及侄良明。卷甲疾趨。潛度重慶。營於南平關。扼賊歸路。遣兵夜襲兩河。燒其船。以阻賊東下。自率大兵沿江而上。水陸並進。又留兵一千。護守忠州。以爲犄角。移文夔州。設兵防壘。塘爲上下聲援。後又大破流寇。女將掌兵。一時無兩。貞勝編

崇禎末。秦良玉自將兵三萬。援夔城。過夔一步。卽其石砭司。守夔亦守家也。知綿州陸遜之罷官歸。巡撫遣之。按行營壘。過秦。秦冠帶佩刀出見。左右男妾十餘人。然能制其下。視他將加肅。爲陸置酒。歎曰。邵公不知兵。吾一婦人受國恩。應死。所恨與邵同死耳。未幾賊大至。張



令被射死。秦石砭兵亦覆沒。秦單騎見撫曰。事急矣。盡發吾溪洞之卒。可二萬。我自廩其半。半餼之官。足破賊。主官家用一箸一帚。調兵者最急。箸以能飯者畢至。帚則掃境內出也。邵見嗣昌與已不相中。而蜀無見糧。嗣昌之人。詎可信。遂謝良玉。計不用。邵撫捷春也。綏史王二。本女子。順天東安人。年十八。父母携之入京。易男子衣冠。鬻于廂白旗德任。甲寅黔滇亂。德任南征。挈之往。盡瘁服勞。周旋戎馬之間。凡七載。德任愛其勤。辛酉滇南平。大帥凱旋。次江黃。而王二病。延醫弗瘳。一夕氣垂絕。主人辦棺具。易其衣。乃知爲處子也。衆皆色然駭。相與嗟泣。比雞鳴復甦。調治之病愈。王知時已露。請爲

數萬。傳爲美談。禁金共作佛。王二傳

四川石砭女帥秦良玉。帥師勤王。召見賜綵幣羊酒。御製詩旌之曰。蜀錦征袍手製成。桃花馬上請長纓。世間不少奇男子。誰肯沙場萬里行。崇禎遺錄

崇禎四年七月。賊點燈子。白秦入昔。犯沁水縣。縣東北有寶莊。故張忠烈公銓里居也。先是銓父尚書五典。謂天下將亂。築塙爲堡。甚堅。至是五典已沒。銓子道濟道澤官京師。賊至。衆議棄去。銓妻霍氏。語其幼子道澄曰。避賊而出。家不保。出而遇賊。身不保。等死。死於家。不愈死於野乎。躬率僮僕守。賊環攻之。堡中矢石並發。傷賊

甚衆。四日退。冀北道王肇生表之曰。夫人城。流寇始末。江蕪。韓巡撫。遣幹辦賚金與札赴北京。道山東。旅店樓上。悞傾汚其衣。怒甚。店主向樓罵曰。浪小婦。何汚貴人。蓋。速下請罪。幹辦知其爲妓也。怒盡解。比至。顏色妖異。光焰動人。是夜遂接枕席。四鼓起行。妓亦去。至前林。則響馬號箭至矣。幹辦泣曰。予奉公往都。若劫我。禍將不旋踵。盜近前。乃美少年。忽擲帽睜星眸曰。認得老娘否。幹辦視之。夜來妓也。哀告之。妓曰。念汝枕上情。文書與手札俱還汝。盡攫其金去。幹辦反責店主。店主曰。旅客如織。彼與汝前後同來投宿耳。知爲誰乎。柳軒叢談

都城南居賢坊。民劉蘭女劉氏。以哭母毀死。巡城御史

曹選以聞。氏頗知文墨。并習女工。萬曆二十七年。曾經脩選貴人。不中。遂不肯適人。毀齒自矢。事兩尊人甚孝。三十歲。足跡不出閨門。日惟閉戶誦經讀書。兼作女工。卽至親比隣。未嘗見其聲色。本年八月。母張氏病篤。女悉心奉侍。母進食。女亦進食。母不食。女亦不食。至二十三日。張死。女跪靈前泣血。水漿絕不食。至九月初三日。女亦氣絕死。時異香滿室。人咸異之。崇禎長編



文亦廉... 三日... 悉心... 三十... 紛... 曹...

焚塵寄

譚屠

譚屠類清談矣何焚塵之有非也村媪磨針可  
以悟學事有不相謀而相師者是在其人

張湯之為父而有張安世之子劉歆之為子而劉更生  
為之父許敬宗之為祖而有許遠之孫韓侂胄之為孫  
而有韓琦之祖信乎賢否不係乎世類故祖父之賢者  
子孫當思克紹前烈父祖之不賢者子孫當思克蓋前  
愆釋史

其部尚書茹瑑衡州衡山人也明成祖兵起首先勸進  
封忠誠伯後死召其子鏞襲爵以父在功罪之間不受

宋晟。定遠人也。以父開國襲都督。建文時通謀於燕。其子瑄。乃以力戰死於靈璧。瑞晟二君。有愧乃子。全上

張弘範。張世傑本兄弟也。而一為元代宋。期於削平。一奉宋抗元。志存社稷。比於諸葛弟兄。又有間矣。稽記室

王安石。為新法。而其弟安國非之。韓絳附會安石。而其弟維爭之。曾布陰禍善類。而其弟肇移書勸之。邪正相反。誠判若參商。至若王處仲親為叛逆。而其弟竺法

深。獨脫然遊方之外。此九品之最卓者。說佛

徐中山王。而有增壽之子。李岐王。而有景隆之子。增壽為弟。而又有輝祖之兄。何父子兄弟迥殊歟。鄴亭新語

阮籍遺落世事。不拘禮數。及教其子渾。則曰。仲容咸已

預吾此流。汝不得復爾。元延祖棄官反初服。嘗曰。人生衣食可適。饑飽不宜復有所須。每灌園掇薪。以為有生

之役。盡此。及戒其子次山輩。則曰。見曹逢時故。時祿不

得自安山林。勉勵名節。無近羞辱。古人父子相期。不必出於一途。說佛

李斯長男由。為三川守。諸男皆尚秦公主。女悉嫁秦諸公子。李山告歸咸陽。李斯置酒於家。百官長令皆前為

壽。門庭車騎以千數。李斯慨然嘆曰。吾聞物禁太盛。夫斯乃上蔡布衣。閭巷之黔首。上不知其駑下。遂擢至此。可謂富貴極矣。物極則衰。吾未知所稅駕也。其後卒及

於禍。吳陸遜為丞相。子抗大司馬。抗子機為大都督。統

軍二十萬。後軍敗。被譖。父子兄弟皆死。唐杜審權位至宰相。子讓能位太尉。平章事。讓能子曉。朱梁時爲禮部尚書。平章事。讓能賜死。曉爲亂兵所殺。三世爲將相。道家所忌也。漢之蕭曹。唐之房杜。姚宋。身佐英主。手造王圖。而曹至子削封。蕭五世絕祀。房喬次子遺愛。與公王謀反誅。杜如晦次子荷。說承乾建大事誅。姚崇長子爽。次子爽。爽子開。爲牛仙客幕府。見仙客疾亟。逼仙客爲表薦爽爲相。仙客妻以聞。元宗杖殺之。宋璟六子。渾尚。恕。華。衡。俱以賊敗。廣平之業衰焉。再造之功。若郭汾陽。三四傳不復能振。裔孫元亨。僅爲永興教授。狄梁公會孫。飄泊岷漢。干謁侯王。宋相三。李文正公昉。文靖公沆。

文定公迪。一時名宰。子孫相繼宦達。數世之後。亦復蕭條。無一人在仕版者。昔郭汾陽治第。謂工人曰。好築墻。勿令不牢。築者對曰。數十年來。京師達官貴人。墻皆某所築。今某死。某亾。某敗。某絕。人自改換。墻固無恙。公聞之惕然。卽請老。雞臆剩言

有舉孝廉而爲人王者。魏武吳大帝也。狀元及第。而爲人王者。夏主李遵頊也。續筆乘

郭霸嘗來俊臣糞穢。俊臣鄙之。宋之問捧張易之溺器。易之輕之。開朝隱爲武后禱疾。以身代犧。後張元一畫代犧圖以進。后大笑。鄙其爲人。趙履溫褰衫爲安樂公。王背挽犢車。後遭僂。人割一脔。骨肉俱盡。成敬奇省姚



崇疾對崇滄泣。懷中置雀數頭。向崇放而祝之。願令公速愈。崇惡其媚。曰此波何自而來。遂不復接遇。竇懷貞諂事中貴。每見士人無鬚。誤為中官。必曲加承接。卒不免放貶。明皇時投水而死。噫。彼輩為諂佞可悅人耳。乃輕則取厭。重則喪身。冷眼覷來。可不枉了做小人。座右編

項王喑啞叱詫。當是極粗豪男子。而寵戀虞姬。臨亾不舍。蘇子卿吞璫嚙雪。視死如歸。而不免娶彼婦生子。關雲長忠肝義膽。可對天日。而啓曹公求秦宜祿妻。曹又疑而自取之。趙閱道為鐵面御史。乃悅一營妓。令老兵妻召之。又令人促之。范文正守鄱陽。屬意小妓。既去。乃

以詩寄魏介而取之。此數公事。皆與其人絕不相類。當是色戒未易破除。宋璟正色立朝。而善羯鼓。賦梅花。又似極風流人物。尤不可曉。客中閒集

袁忠徹以相名天下。有二壻。一為盜死獄中。一覆舟死於水。二女皆寡於家。忠徹每為談相。妻必叱云。莫訛言。且相女壻之目何在。曰吾能人相。不能天相也。荳棚談士廣津作相日。庭穿一井。將天下寶玉珍珠投其中。汲水共飲。李昌夔在荊州打獵。其妻獨孤氏亦出紅粧錦勒。女隊三千人。魚朝恩有洞房四壁。安琉璃板。中貯江水。及萍藻。諸色魚蝦。號魚藻洞。段文昌富貴後。打金蓮花盆。盛水濯足。謂酬生平所不足。元載寵姬薛瑤英。幼

香。肌肉皆香。處以金絲却塵褥。李德裕好飲惠山泉。自京至常州置水遞。虞孝仁伐遠以駱駝負。西。盛水養魚自給。羊稚舒冬釀。令人抱甕。須臾復易。使酒速成味美。符朗使小兒跪而張口承唾。于頔為襄州。日點山燈。一上油二千石。石季倫廁有紗帳茵褥。婢供香囊。劉寔謂誤入其內。劉琰侍妾數千。悉教誦魯靈光殿賦。韋陟饑備珍奇。厨中所棄。猶值萬錢。宴公侯家。雖極水陸不下箸。噫。天地生財。只有此數。彼嗟半菽不飽。獨非吾屬毛離衰而來者乎。侈汰自豪。究皆禍不旋踵。豈天道之惡盈。抑亦人事之必至。培元錄

狄梁公之思親也。南望白雲而佇立。梁瓌之思兄梁瑄。

也。亦南望白雲而慘然。孝友根於至性。輒以雲物動情。亦見性情合處。說儲

晉靈公刺客。不殺趙宣子。漢楊琳刺客。不殺蔡中郎。晉劉裕刺客。不殺司馬楚之。唐太子承乾刺客。不殺于志寧。淮南張顥刺客。不殺嚴可求。西夏刺客。不殺韓魏公。苗劉刺客。不殺張魏公。此輩正自有人。嘲笑偶言

前漢書表古今人物。其失也溷。新唐書表宰相世系。其失也濫。備三長如班歐。猶有此失。矧其他乎。全上

狄靈慶親為袁粲門人。而抱首粲子者慶也。周某。史失其名親為陸超之門人。而手斬超頭者周也。陶穀親為晉杲。今崧所錄用。而搆成崧族誅者穀也。究之狄被噍於杲。

五

狗。周折頌於墜棺。陶之死。墓門屢遭雷殛。而骸骨不少留。彼其仇視恩地。不祥莫大焉。說備  
剖水而雙鯉躍出者。王祥也。叩凌而一魚踊出者。王延也。臥水而童子送鯉者。楚僚也。泣禱河神而水開得尺許。鰕者。查道也。又焦華冬中得瓜。以愈父疾。王薦雪中得瓜。以止母渴。孝思所感。動植之類。且以非時應之。彼李夏思凍魚膾。仲冬思生地黃者。卽慕容熙以南面之尊。切責有司而猶不得。以是益信孝感之神。全上  
古之異人。去來必有所自。微子感牽牛星。顏子感中台星。張良感弧星。樊噲感狼星。東方朔感歲星。則生而稟星精者也。傳說爲箕。奚仲。西邊父。土良。金各垂象於

天。則歿而戍列宿者也。又如唐房瑄爲永禪師。白樂天海中山王。宋晁迥靜居天王。楊億武夷君。陳堯咨南庵主。張方平山藏院知藏。歐陽修神清洞主。韓琦紫府真人。富弼崑崙真人。王曾青草堂和尚。蘇軾峽右戒禪師。皆生而知前身者。蔣濟爲南山伯。荀顛爲泰山君。劉聰須遮國王。韓擒虎。蔡襄。金閻羅王。皆死而知後身者。全上

朱子綱目一書。字字繼麟經之筆。昔人滅郁。春秋不爲少諱。乃曰易羸。牛易馬。何綱目竟不置一詞乎。且期年而生子政。既云期年。焉知非羸氏之種。得毋恨始身焚書坑儒。爲此論以快心乎。若牛馬之謠。乃魏時張掖石

吾國各所宮卷之  
圖所現。他物甚多。不止牛爲二種。尙得以此定其爲牛  
吏子。典午氏亦係繁奪。世人不樂爲辨之也。朱子作綱  
目。要非無見。肅史贊

杜子美客耒陽。一日過江上。舟中飲醉。是夕江水暴漲。  
子美爲驚濤漂泛。其尸不知落於何處。元宗思子美。詔  
求之。聶令乃積空土於江上。曰子美爲白酒牛豕服而  
死。刺談

李白人傳其醉遊采石。捉月而溺死。然今采石磯有  
李墓。或云病死。另詳豕渡。

元祐黨人之貶。蘇子瞻得儋州。子由得雷州。劉莘老得  
新州。皆取字之偏旁。則幾以遷客爲戲。全上

文翁拔劍擊江神。而迴復水遂平。王遵執犍當金堤。而  
水波旋却。武肅命強弩射海濤。濤頭竟趨西陵。白沃史  
君以鞭指當湖。而東南一隅水至不汝。精誠旣至。足迴  
狂瀾。全上

張洪陽相公。見玉茗堂四記。謂湯義仍曰。君有如此妙  
才。何不講學。湯曰。此正吾講學。公所講是性。吾所講是  
情。澁愁集

子美本賣文爲活。翻令室倒懸。言其無假備也。而語意  
不露。味之愈佳。子雲家無擔石之儲。其作法言。蜀人齋  
錢十萬。願載其名。子雲卻之。張知白守毫。毫富人修佛  
廟成。知白召穆修爲記。富人遺五金。求修附名。修投

金庭下。曰。吾不忍以匪人。病吾文。彼售書求米者。非惟人品徑庭。卽其書可知矣。釋史

唐荆川曰。僕偶想宇宙間有二三絕可笑事。其屠沽細人。稍有一碗飯喫。死後必有篇墓誌。其達官貴人。畧有此名目在世者。死後必有部詩文刻集。如生而飲食。死而棺槨之不可缺。幸而所謂墓誌與文集者。皆不久泯滅。若盡存在世間。卽使以大地爲架子。亦安頓不下矣。倘悉付祖龍。南山煤炭竹木。盡當減價。遣愁集。

金壇三茅靈觀。每年顯化。攝衆白陳罪業。葷酒斷迹。及湖賊揭竿。山頂千年宮殿。付之一炬。而山神不能柝伏。甲寅之亂。江西上清宮。亦爲賊燬。說者謂天師但能驅

邪魅。不能制生人。然數之所爲。豈易避焉。鵬升集

瓠里子自吳歸粵。相國使人送之。曰。使自擇官舟以渡。送者未至。於是舟曰於許者以千數。瓠里子欲擇之而不能識。送者至。問之曰。舟若是多也。惡乎擇。對曰。甚易也。但視其敝。蓬折櫓破。飄者卽官舟也。從而得之。瓠里子仰天嘆曰。今之治政。其亦以民爲官民與。則愛之者鮮矣。宜其敝也。郁離子微

官德問。怒谿一縣令。初至任。謂羣下曰。汝聞諺云。滅門刺吏。破家縣令乎。中有一父老對曰。某等只聞得豈弟君子。民之父母。縣令爲之默然。西華雜記

兵部尚書徐晞家。居新貴。皆薄其家。身吏胥。狀元某歸。

英華寄談所



徐往賀。不得已往答。不與言。一茶而起。徐問曰。狀元幾年一個。笑答曰。三年。又問吏員爲尚書幾年一個。無以答。某同入儒學。某指夫子像戲之曰。認得這位老先生否。晞曰。認得。這位老先生。是不由科目出身的。答此龔介菴祖錫。由江南布政內陞太常寺卿。偕子修輯賦役全書。館中語諸同事云。趙農部每與予面譚。不諱吏員二字。吾甚感其重我。若加意周旋。反成輕佻。何淡所撰李克嗣墓誌銘。贊曰。前數十年。士大夫多以富爲諱。爭白灑濯。以免公議。今聞人仕。衆必問曰。好衙門否。聞人退。衆必問曰。有收拾否。且耀金珠。廣田宅。以驕里閭者。世不以爲過。亦風氣使然。玉堂叢話

有牝雞啼者。主人命宰之。左右曰。此不祥之兆。何爲宰雞。主人曰。是雞之不祥也。彼一啼而懼殺身之禍。於人何預耶。莫氏八林

牝雞司晨。及雄雞夜啼。俗皆謂之不祥。余居杭時。雞忽夜啼。命宰之。三兒某行方幼。遽止之曰。信不祥乎。雞乃預報主人。是忠也。若不足信。又何爲以一啼而收其命。余以其近理。遂從之。

凡遇奇異之人。奇異之事。要有定見。漠然不動。方無誤。江西舉人。但調元素有文名。一日遊瓊州。遇李某。王某講天文。尊信之。訝爲異人。萬曆癸丑會試。調元首。二場佳甚。葉臺山相國已擬爲會元。又閱第三場。問天文




策對云。惟海上李某王其可聘。大定。葉大鏡。亟點落之。朱平涵相國曰。但生瓊州之遊。特尋寃對。以配其選。取耳。余筆此。以為見識易動者之戒。蘇譚

趙清獻欲絕慾。挂父母書像於臥牀中。以自監。趙康靖中歲嘗置黃黑豆於几案。以驗善惡。歐陽文忠暮年有小疾。不服藥。只孤坐習忘。以却之。文節構枯木菴。死心寮。以為養疴之所。伊川於室中置尖物。劉元城謫炎瘴。舉念絕慾。東坡謫瘴鄉。惟盡絕慾念。為萬全之良藥。古人克己工夫如此。座右銘

漢張倉子百人。趙王彭祖子七十二人。唐棟王瑛子五十五人。梁王苑子五十八人。延王賓子三十六人。皆玄宗之孫。而玄宗亦有子三十人。宋徽宗子三十八人。張者四十二人。杜子微一百四十人。馮益三十人。勇體小品

胡梅林被逮。自謂宋以來少保當配者三人。一岳武穆。一千忠肅。一自謂也。然胡雖有勞。要非二公匹。而汪南溟以戚南塘四之。戚本良將。以江陵波及。自薊門調廣西。不貶爵。與胡之被逮者又異。却可並舉。全上

三代後。嘗言有三箇匠。一漆匠。金安藏。一石匠。安民。一漆匠。楊瑄。士大夫有媿此三匠者多矣。嘯虹筆記



三十一日 晴 十月廿一日 晴  
三十二日 晴 十月廿二日 晴  
三十三日 晴 十月廿三日 晴  
三十四日 晴 十月廿四日 晴  
三十五日 晴 十月廿五日 晴  
三十六日 晴 十月廿六日 晴  
三十七日 晴 十月廿七日 晴  
三十八日 晴 十月廿八日 晴  
三十九日 晴 十月廿九日 晴  
四十日 晴 十月三十日 晴

